

HESYCHI MILESII, ILLV-

STRII COGNOMENTO,
de his qui eruditionis fama

claruere, Liber:

Hadrianus Iunior

FRIDERICUS BLANCKIUS

interprete.



ANTVERPIÆ,

Ex officina Christophori Plantini,
Prototypographi Regij.

CLC.LC.LXXII.

BIBLIOTECA NAZ.
ROMA
VITTORIO EMANUELE

SVMMA PRIVILEGIORVM

REGIS CATHOLICI.

REGIS CATHOLICAE MAIESTATIS PRIVILEGIUM CAUTUM
est, ne quis hunc librum, cui titulus est, Hesychij
Milelij, Illustrij et potentis de his qui erudi-
tionis fama claruere, ~~et~~ interprete, citra Christophori Plantini volunta-
tem imprimat, aut alicubi impressum importet, venalem-
ve habeat. Qui secus faxit, confiscatione librorum, et
pœna, fisco Regio exoluenda, multabitur: ut latius in
Regis diplomatis expressum est; Datis Bruxella: In
Consilio priuato XXI. Nouemb. In Consilio vero
Brabantiae, Mense Decembri. M. D. LXIX.

Signat.

De Langhe.

CORNELIO BICKERO

AMSTERODAMAEO,

OPTIMAE SPEI ADOLE-

SCENTI, ~~FRIDERICUS~~

~~FRIDERICUS~~ MEDICVS S.



QVOD de Fortuna rerum
domina dixit Plinius, eā
nimirum vtranque fa-
cere paginam : idem de
institutione & disciplina cur efferre
mihi nō liceat, amātissime Bickere,
quando penes eam sit principatus &
momentum omne in regendo mo-
derandoque vitæ cursu : quæ si recta
sit, næ illud fœcundum virtutum se-
minarium expectandum est : si prae-
ua, nihil isto plantario infelicius. Ita-
que meo iudicio institutio conue-
nientissimo vocabulo, quo Theano
Pythagoræa vsa est, *μεγίστος* vocari
potest, tanquam fundamentum tin-
cturæ, quo lanam primam infectores

4
sufficiunt, vt color sit pertinax. Istuc
quum non lateret genitorem tuum
Petrum Bickerum, virum prudentē
& cultum, meritiā tuā sta-
tim extra domū vestias illi cebras, vir-
tutis auocamenta, seponendam Tra-
iectum curauit, vbi tyrocinij depo-
sitis rudimentis, palatum tibi apud
optimos præceptores fingeretur im-
buereturq;: id quod feliciter ibi ce-
cidit, quando proculcata voluptate,
blandissima Sirene, ingeniorū cor-
ruptrice, in literaria arena ad indu-
striæ palum ita gnauiter ingenij ner-
uos exercuisti, vt iudiciis haud le-
uibus magnum à te operæ pretium
ornamentumque cum familiæ, tum
patriæ communi expectandum esse
aliquando auguratus fuerim. Me-
mini legisse scriptum à te in hoc
herbescentis ætatis rudimento car-
men non vnum, in quo penè ad stu-
porem metraxit senile nescio quid
& ma-

maturum præter inuentioris a-
cumen, aptam dispositionis fabri-
cam, & in poëticis numeris splen-
doré. Neque verò effectum ad auriû
voluptatem sermoné tibi adhiberi à
me existimes velim: quin potiùs fa-
ces quasdã & incitamenta laudatæ in-
dustriæ, quæ à me dicuntur, ex animo
sincero profecta esse cogita. Iam ve-
rò ab amœno illo & iucundo studio-
rum viridario, tanquam ad tempe-
ramentum quoddam, in philoso-
phiæ præcepta sapienter te transtu-
listi, consilio parentis tui, quem an-
teà nominaui, qui ex ista dulcis cum
grauis, miscella, omne momentum
ad altiora studia secuturum præ-
uidet: sic Homerus in laudata vir-
ginis forma lactis candorem cum
rosæ purpurisimo rectè contemperat:
& ferri duritiem stomomatis acie
bonus faber aptè corroborat. Isto
ergò veluti coagulo, philosophiæ

nimirum cum humanitatis litera
ita pectus tinge, vt ad sublimiora
quæque studia viam munias, eaque
decorè committas, sicque ad sem-
piternum gloriæ cursum cum laude
aspices, & iustissimo patris desiderio
(quem domesticum habes virtu-
tum exemplum, & præclarum e-
loquentiæ lumen quoddam) satis
facias, omniumque vota cumulatè
impleas. Accipe ergo, strenæ vice,
meæ de te expectationis testimo-
nium, Hesychium Milesium, qui de
Philosophis & doctrinæ ope illu-
stribus viris scripsit, nunquam ante-
hac typis euulgatum, & à me Latio
donatum. Vale Harlemo K A L. IAN.
anno à partu virginiis M. D. LXXII.

HESY-

7
28

HESYCHII MILESII, ILLVSTRII COGNOMEN- to, de his qui eruditionis fa- ma claruere, liber:

HESYCHII AN OLYMPIODOR
Interprete.



CYNICA secula nomen adepta
est, ab Antisthene, qui primus
eam orsus fuit in gymnasio, quod
[à candido cane] Cynosarges
nomen accepit: at Peripatetica
dicta est quod primordiū ceperit ab Aristotele,
docente in xysto seu horto ambulationi accom-
modato.

A.

APOLLONIVS Tyanæus. huius mater
ventrem ferens, unum ex his quos demonas
geniosue nominant, dicentem sibi conspexit,
Se esse quo gravida foret, nimirum Protea AE-
gyptium: unde mansit postea suspitio Proteos
fuisse filium.

ARISTEAS Proconnesius. istius animā
corporis domicilio excessisse, rursusq, ubi vellet
subiisse, fabulantur.

ÆSCHINES fartoris filius à Menedemo Eretriensi insimulatus fuit, quòd dialogos plerosque Socrate auctore scriptos, ut supposititios emiseric, à Xanthippe acceptos: inter quos soluti admodum sunt & remissi, qui mutili imperfectique nuncupantur; neque Socraticam acrimoniam & soliditatem produnt. Hic in Siciliam ad Diony^{um} venisse dicitur ad lenandam egestatem, & a Platone fastiditum, ab Aristippo fuisse confirmatum, proq; oblatus libellis aliquot, donatum muneribus: postea reducem Athenis non ausum profiteri publicè, Platonis tum celebri fama: stipem tamen facili-
tandis priuatis lectionibus còegisse. Dialogos illius Aristippus quoque suspectos habuit, nam quum Megaris eos lectione præiret ille, fertur adiecto conuitio dixisse, Vnde tibi ista plagiarie?

ARISTIPPVS Cyrenæus voluptates sectabatur quidem, labore tamen querenda è rebus absentibus oblectamenta non venabatur: qua de causa Regium canem appellabat eum Diogenes. Interrogatus quo excellerent philosophi, respondit, quòd aequali ratione victuri sumus, si leges vniuersæ abolerentur. Aiebat à notis familiaribusq; se capere, non quò illis uteretur, sed ut illi discerent, in quos usus argentum habere conueniat. Criminanti cuidam quòd ipse

vnus è Socratis discipulis pecuniam acciperet: quid ni, inquit, caperem, siquidem Socrates, plerisque frumentum ac vinum illi submittentibus, pauca sibi reseruabat quidem, sed reliquum omne ad suos quaestores amandabat. Eutyclide mancipio, & scorto Laide utebatur, quapropter ad obijcientem illi Laidis amores, Habeo, inquit, Laidem, non habeor: nam vincere voluptates, neq. ijs manum dare, ea verò præcipua laus est, at inglorium est usu voluptatum prorsus abstinere. Interrogatus quæ liberalibus pueris sint discenda, respondit, quæ olim viris vsui futura sunt. Finem definiebat esse placidum & æquabilem motum, qui in sensum diffunditur.

ALEXINVS Eleus ob nimium altercandi arguendiq. studium, voce allusoria Ε'λεγξις, Elexinus, quasi argutator aut altercator dictus fuit. Aiunt hunc ex Elide Olympiam immigrasse, ibique philosophiam capisse profiteri: sciscitantibusq. discipulis, cur ibi sedem cepisset, respondisse, in animo esse sibi sectam condere, quæ Olympiaca vocaretur: at illos viatici inopia afflictos, & locum insalubritate infamè exosos, discessisse, ab eoque tēpore Alexinū solū cū famulo ibi substituisse: fertur postea dū in Alphæo amne natat, è vulnere arundine puncto mortem oppetisse: extat in illum huiusmodi epigramma.

Οὐκ ἄρα υἱὸς ἦν ἐκεῖνος εἰσαῖος,
 ὡς ἀτυχῆς πρὸν πόδα κολυμβῶν περιεπύρ-
 ῃλω, καὶ γὰρ ὁ σεμνὸς ἀνὴρ πρὶν τὸ ἄλφειον
 ποτ' ἐκπερᾶν Ἀλεξίνος θήσκεινυχθεὶς καλὰ μῶ-
id est: Non illa erat fabella vero dissona,
Clamo quòd urinator impactum pedem
Obladeret, nam canna acuta saucius
Mortem appetit Alexinus Alpheum innatans.

ARISTOTELES Stagiritès memora-
 tur Paana scripsisse ad Hermiā eunuchum so-
 cerum suum, eaq; de causā iudicium sententijs
 condemnatus cicutā poculum hausisse, atq; ita
 occubuisse mortem. Hic vult in philosophia du-
 plicem esse artem seu doctrinam, actiuam, quæ
 Practice dicitur, & alteram in inspectione po-
 sitam: actiue attribui moralem, quæ Ethice, &
 ciuilem, quæ Politice dicatur; ubi quicquid ad
 rem & publicam & familiarem attinet, tra-
 ctatur. Theoretici generis esse id quod Physicum
 siue Naturale, & quod Logicum siue Rationale
 dicitur: quæ in parte Logicum non vniuersim,
 sed tamen organum est omnibus numeris exa-
 ctum & exquisitum. Huius postquam geminos
 scopos statuit, declarat eos esse & verisimile, &
 verum ipsum: deinde ad utrunque duabus v-
 titur facultatibus, dialectica & rhetorica ad ea
 quæ probabilia sunt, analytica & philosophia
 ad ve-

verum, nihil prætermittens quod vel ad inventionem, vel ad iudicium, vel ad usum attinet. Ad inventionem autem & optica & methodica tradidit propositionum multitudinem, è quibus affluens copia verisimilium argumentationum suppeditari ad instituendas questiones & problemata possit. Ad iudicium Analytica priora & posteriora scripsit, per priora assumptiones indicat, per posteriora collectio & congeries exigitur atque exploratur. Ad usum denique tradidit exercitatoria, & quæ de interrogatione agunt, & quicquid ad contentiones disceptationesq. spectat, ut & sophistici elenchi & syllogismi atque id genus alia. Sensum definit esse arbitrium ac iudicem veritatis effectuum è phantasia nascentium: Mentem verò rerum moralium iudicem, quatenus rem publicam domesticamque & leges respiciunt: Vnum verò finem declaravit esse usum virtutis in vita sancta & integra. Felicitatem dixit esse complementum è tribus bonorum generibus constans, tum animi, cuiusmodi bona facultate prima nuncupat; tum corporis, qualia sunt firma valetudo, robur, forma bona, & his consimilia; tum externis, ut opulentia, nobilitate, auctoritate & similibus. Virtutem negavit sibi ipsi sufficere ad consequendam felicitatem, opus

namq.

namque habere adminiculis corporearum & externarum rerum; quippe quum sapiens infelix sit, siue laboribus cōficiatur, siue egestate prematur, aut alijs eiusdem modi incommodis: & diuerso malitiam per se satis esse instructam ad infelicitatē & miseriam, quantumuis abundet externis copiis & corporis bonis. Virtutes haud sequi se mutuo comitatu dixit, vñuenire enim posse, vt prudens aliquis & iustus, idem libidinosis sit & intemperans. Præterea sapientem non esse quidem à perturbationibus vacuum, sed mediocres animi motus sentire. Amicitiam definiuit esse beneuolentiæ reciprocam & vicissim respondentem æquabilitatē: eam verò esse triplicem, cognitionis propriam, amatoriam, & hospitibus debitam. Amorem non modò consuetudini & veneris vsui tribuendum, sed & philosophiæ: quin sapientem quoque amaturum, ad reipub. gubernacula accessurum, matrimonio se obstricturum, nec abnuiturum cum rege viuere. Quum triplex sit vita, contemplatrix, voluptaria, & actiuosa, contemplatrici primas detulit. Circulares dictas ac liberales disciplinas magno esse vsui ad consequendam virtutem indicauit. Causarum naturalium acerrimus ventilator præ alijs omnibus fuit, ita vt minimis quoq. rebus causas suas assignauerit. Deum incor-

incorporeum cum Platone asseruit, cuius prouidentiam ad caelestia usque extendi, ipsum motu nullo cieri dixit: terrestria verò consensu & coniunctione naturæ cum caelestibus rapi agitarique. Ad quatuor elementa & quintum adiecit, ex quo ætherica corpora conflata sint, cuius motus alienus sit, quippe in orbem rotatus. Animam esse incorpoream dixit, & primam ἐντελέχειαν, hoc est, perfectionem, corporis naturalis & organici, potentia vitam obtinentis: quæ secundum eum duplex est. Ἐντελέχεια autem nominat, cuius forma quædam sit incorporea, altera secundum potentiam: quemadmodum in cera Mercurius idoneus ad recipiendam effigiem expressam: & ex ære simulachrum. Porro absoluti Mercurij aut simulachri ἐντελέχεια, talis habitu dicitur. Dixit autem diserte, corporis naturalis, quod corporum alia sint manu artifice facta, ut turris, nauigium: alia natura produxit, ut plantas & animantium corpora: Organici dixit, hoc est, ad usum aliquem destinati, quomodo oculus ad cernendum, auris ad audiendum: addidit Potentia vitam obtinentis, nimirum in se: potentia autem minus est, quam actu: Secundum actum enim vigil animam habere dicitur: secundum habitum verò is qui dormit. Ut igitur etiam hic comprehenderetur, adiecit,

adiexit voculam illam, *Potentia*.

ANTISTHENES Cynicus cognomento
ἀπὸ κυῶν dictus fuit, quasi pure putæque canis.
Laërtius in hunc illusit, velut mortis metu re-
tinendæ vitæ cupidiorē, epigrammate, quod
tale est.

Τὸν βίον ἦοδα κύων ἀντίσθηνες ὥδε πεφυκώς
ὥστε δακεῖν κραδίην ῥήμασιν ἔσόμεσι.
ἀλλ' ἔθανες Φθισιδὸς, τὰχ' ἐπεὶ τις ἴσως, π' δὲ
τοῦτο;

πάντως εἰς αὐτὴν δὲ τὴν ὁδὸν ἔχων. hoc est,
Mordebas veris animā, haud Antisthenes ore,
Ingenium id, mansit dum tibi vita, fuit.

Te phthisis extinxit: dicet quis fortè, quid ad rē?

Ductore omnino ad limina Ditis opus.

Inter placita eius hæc fuerunt. Ostendebat apo-
dicticè virtutem doctrina comparari posse:
eandem in actione consistere, neque copiosis
verbis, neque disciplinis indigentem: sapientem
sibi uni sufficere, quando cuncta aliorum quæ
sunt, ipsius sint. Obscuritatem nominis bonum
esse labori non dispar: sapientem non ex legum
prescripto vivere, sed iuxta virtutis regulam,
cumque sibi uxorem adiuncturum propagandæ
prolis gratiâ, cum foriosissima quaque muliere
consuetudinem habendo: ipsumque amori va-
caturū, eo quod solus sapiens quenam amanda
sit, no-

fit, noverit. Sapienti nihil esse peregrinum aut absurdum: Virum bonum dignum esse qui ametur: Viros probos pro amicis habendos: cœundam esse cum fortibus, animosis, & aqutatis amantibus societatem: Virtutem esse armaturam genuinam quæ auferri nequeat: Satius esse cum paucis bonis uniuersos improbos, quàm cum improborum multitudine paucitatē bonorum oppugnare: audiendos esse inimicos, quòd hi primi deprehendant si quid fuerit erratum. Virum iustum pluris fieri debere, quàm consanguineum. Eandem esse viri & mulieris virtutem. Bona honesta, mala turpia, malitiosa & fraudulenta omnia, cogita esse aliena. Prudentiam murum esse longè tutissimum, qui neque defluat, neq. proditiōe capiatur. Mœnia in nostris ipsorum animis inexpugnabilibus quidem illis esse construenda.

ARCESILAVS. Hic adolescente quopiam ferocius quàm par esset garriente, nunquis hunc, inquit, scutica accipiet astragalis nodata? Quendam malè audientem tanquam muliebria pateretur, quum obiecisset videri alterum altero maius non esse, percontatus est, num etiam decem digitorum longitudo, à senum digitorum mensura discreparet? Dialectico cuidam Alexini præceptoris sententiam satis rectè & pro digni-

dignitate explicare non valenti, Philoxeni factum, quo apud laterarios usus dicitur, occinuit: ille namque quum inaudisset imbricarios sua carmina ineptè cantillantes, ipsorum imbrices proculcauit, cum hoc dicto, Vti vos mea corrumpitis, ita ego vicissim vestra. Mirè felix extitit in inueniendo quo obiectis facili & prompta responsione occurreret. Idem præ quouis alio persuadendo fidem inuenire, & in animos irrepere; quo factum est ut plures scholam eius frequentarent, qui tametsi acumine & subtilitate eius offensi, gratum id habebant, erat etenim insigniter bonus, & qui auditorum animos spe imbueret. In communicandis facultatibus ac deferendis beneficiis supra quam dici potest, promptus atque facilis fuit, alicuiusmodi à captanda gloriola è beneficio quod latere maluerat. Quapropter quum inuisens quodam tempore Ctesibium egrotantem, videret illum in egestate esse, clam cervicali supposuit crumenam nummariam, qua ille inuenta, Arcesilai, inquit, hicce ludus est. Rursus quum pro recipiendis amiculis argentum escarium ab eo quidam accepisset, qui id omne in rem suam verterat, neque repetiit, neque ut suum peculium afferuit, imò sunt qui de industria utendum dedisse, & resituenti, quoniam inops erat, donasse

nasse commemorant. Regum neminem magnopere coluit, quam ob rem legatione ad Antigoni fungens pro patria, nihil obtinuit. In puerorum amores pronior fuit, libidinibus obstrictus, & scortis adhæsit. Hic aliquando cum deprehendisset puerum à se in delitiis habitum cum Demochare consueſſe, patienter se discedere dixit. Aridelo in cæna theorema proponenti, atque ut super eo differeret exposcenti, Atqui, inquit, hoc ipsum philosophiæ proprium imprimis est, scire cuiusque rei opportunitatem. Timon Sillographus ludit in eum ut popularis auræ captatorem his versibus.

ὥς εἰπὼν, ὁ χλοιο πείσασιν εἰς κατέδυσεν,
οἱ δ' ἐμιν ἤντε γλαῦκα πεισιζατερά τ' αὖτο,
ἠλέματον δεικνύετε, ὅθ' οὐενακα ὁ χλω ἄρεσιν
εἰς

οὐ μέγα πρῆγμα, τὶ πλατύνει ἡλίθιος ὥς.
Sic fatus, medium turbae sese intulit, illi
Ceu fringillæ ululam circum garrire loquaces,
Et monstrare leuē: sed quæ caussa impulit aurā
Captares populi, non magni ponderis auctore
Quid magnos sumendo animos vesare ferocis?
Fuit tamen à fastu adeo alienus, ut discipulis
auctor fuerit, ne ab aliorum auditione abhor-
rerent.

ARCHITAS Pythagoricus civilium co-
B piarum

piarum ductor nunquam aduersum praelium
commisit, sed postquam semel illum attigit in-
uidia imperio cecidit, ac confestim in hostium po-
testatem ciues venerunt.

ARCHITAS Musicus conuittio verbe-
ratus, quod exaudiri non posset, respondit, At in-
strumentum pro me decertans loquitur.

ANAXARCHVS Abderita dixit se ne
id quidem ipsum scire, quod nihil sciret.

ÆSOPVS, non ille fabulator, de He-
lena commentatus est, ubi scribit Pana vocari
piscem cetacei generis, in eoque lapidem asce-
ritem inueniri, qui solis radiis inflammetur,
eumque ad philtro facere, amorisque illecebram
conciliare.

B.

BION Borysthenites negabat esse deos, in
quem propterea scriptum tale extat Epigramma.

his re-
mi iure =
rel.

Βίωνα τὸν βορυσθενίτην, ὃν ἔφυσ' ἡ σπουδὴς αἰα,

λέγων ἀκούομεν θεοὺς ὡς ἔδειν εἶσιν ὄντες,

Κ' εἰ μὲν τὸ δόγμα τοῦτ' ἔχον ἐμίμνην, λυγρὸν
εἶχες

„ Λέγων, φεγεῖν ὅπως δοκεῖ, κακῶς μὲν, ἀλλ' ἔ-
δοξε.

„ Νυνὶ δ' εἰς πόσων πιστῶν μακρῶν, καὶ μὴ θάνη δε-
δοικώς,

„ Ο' μὴ θεοὺς εἶναι λέγων, ὃ τῆδ' ἐδὲ βλέπας,

ὁ πολλὰ

„ Ο' πολλὰ χλοάσας βροτούς, οἱ τοῖς θεοῖς ἔθυσον,
 „ οὐ μὲνον ἐσχάτης ὑπερβωμᾶν τε καὶ ξαπέζης
 „ Κνίαση, λίπῃ, θυήμασιν θεῶν ἔδαισε ῥίνας,
 „ οὐδ' εἶπε μόνον, ἥλιτον, σὺ γινώτε τοῖς ὡρὶν, ἀλλὰ
 „ καὶ γράτ' ὠκύνε θυμαρῶς ξάχην εἰς ἐπὶ δ' ὤ,
 „ καὶ σκυτίσιν βραχίονας πεπεισμένως ἔδησε,
 „ ῥά μνοντε καὶ κλάδον δάφνης ὑπὸ θυρῶν ἔδη-
 κεν,

„ ἀπαντα μᾶλλον ἢ θανεῖν ἔτιμος ὦν ὑπουργεῖν.
 „ μωρὸς δ' ὅς ἡδελέπνος μισθεῖ τὸ θεῖον εἶναι,
 „ ὡς τῇθ' θεῶν ὄντων ὅταν βίων θέλη νομίζῃν.
 „ τοῖ γὰρ μάτῳ φρονῶν ὅτ' ὠάπας ὁ λέμκος ἀν-
 θραξ.

„ τῷ χεῖρα τένας ὦδε πῶς χαῖρ' εἶπε χεῖρε
 πλεπῷ. *id est.*

*Biona Borysthenitē, Scythica quē produxit ora,
 Accepimus dixisse, reuera non esse diuos:*

*Quod dogma si tueri mordicus ille perstitisset,
 Poterat videri aliquid sensisse, perperā tametsi.*

*Nunc pertinace morbo iactatus, metúq. mortis,
 Qui pernegat deos, qui numquam delubra in-
 trostexit,*

*Mortalium irrisor, qui patrio instaurant more
 sacra,*

*Qui nec super foco aut aris, mensāue adolens,
 deorum*

Nidore nares vel a lipe expleuit piōne farre,

Nec se peccasse unquam fassus, pacem deum ex-
 poposcit,
 Sed incantatrici sagæ submisit colla supplex,
 Loris' que vincendos parens præbuit lacestas,
 Hyperthyroque rhamnum imposuit tēnuemq;
 lauri;
 Paratior quiduis tandem exequi, quàm obire
 mortem.

Demens qui mercenarios deos voluerit esse,
 Quasi tum demum existant, quum statuere has
 visum est Bioni.

Opinione at falsus est, quòd esset carbo lembus,
 Manuq; sic protēta, iam Pluto vale vale, inquit.

BION alter Abderita in scriptis suis pro-
 didit loca esse habitati orbis, ubi semestris nox
 sit, totidem' que mensium dies.

Γ

ind. *semel.* GENETHLIVS Palaestinus in unica
 oratione totum philosophia studium absoluit.
recitavit.

Δ

DAPHIDAS Telmisseus grammaticus
 nullum non conuitiis laceſſebat, ne à diis qui-
 dem ipsis abſtinens, quamobrem Attalo regi
 Pergami valde inuiſus fuit. Hic aliquando Py-
 thiam quum adieſſet, oraculo illuſit, ac per riſum
 ſciſcitatus, an equum eſſet inuenturus, reſpon-
 ſum accepit, non multo poſt recepturum: quod
 ille

ille diuulgauit, quòd nec equum haberet, nec amisisset: Digressum inde nactus Attalus precipitem de saxo dari iussit, loco autem vnde proturbatus est, nomen erat Equus: itaque sub vite exitum didicit sacrarum sortium fidem non fuisse vanam.

DIAGORAM Teleclidis F. natura ingeniosum conspicatus Democritus Abderites, seruum redemit decem drachmarum millibus, hoc est, centenis minis, sibi que discipulum adsciuit: at ille etiam Lyricæ arti operam nauauit. Impius cognomento dictus fuit, quòd eidem arti operatus quispian, & ab eo plagij accusatus, de subrepto Pæane à se conscripto, curasset furti se non teneri, atque ille paulo post prolatò in lucem Pæane, secunda hominum fama uteretur. quam ob rem mæstus Diagoras orationes scripsit *ὑποπυλῶντας* (quasi de turribus precipitantes dicas) quæ defectionis causam à communi de diis persuasionem continebant.

DIODORVS Iaso Cariæ vrbe oriundus, Cronus, id est, Saturnus cognomento appellatus, dialecticus, primus putatur inuenisse Ccratinas, hoc est, Cornutum conclusionis genus, & alterum quod Opertaneum seu inuolutum dixit. Hic quum apud Ptolemæum cognomine Seruatorem commoraretur, & à Stilpone interro-

gatus super dialecticis aliquot argumentis, ea
dissolvere nequisset, à rege inter cetera diæteria,
etiam Cronus vice scommatis audit: digressusq.
è conuiuio, librum de proposito problemate scri-
psit, vitamque cum morte præ merore commu-
tauit. In eum hoc extat Epigramma.

Κρότε Διόδωρε τίς σε δαιμόνων κακῇ

Α' θυμὸν ἔκνευεν,

Ἴν' αὐτὸς αὐτὸν ἐμεάλης ἐς τὰρ ἄρα,

Στίλπωνος οὐ λύσας ἔπει

Α' ἰνιγματώδῃ; τοί γὰρ εὐρέθης κέσνος

Ἐξωθετῆρ' ἀπὸ πάσας τε.

id est,

Crone Diodore quis nam acerbo demonum

Merore pectus perpulit,

Plutonium ultro subires ut specus,

Non dissoluto enigmate

Stilponis? unde non male audis nunc Cronus,

R. C. q. demptis litteris,

De hoc in Epigrammatibus ita Callimachus lusi.

αὐτὸς ὁ μῶμος

Ἐγχαρὲν ἐν τοίχοις, ὁ κέσνος ὅστι σοφός.

hoc est,

Parietibus ipse

Inscripsit Momus, quod Cronus est sapiens.

DEMETRIVS Phalereus, forma fuit
tam eximia, ut à plerisque Λαμπρῶ, à nitore
forma, & Χαριτοβλήφαρος à palpebrarum de-
core & gratia appellaretur,

DEME-

DEMETRIUS alter cognomento Ixion dictus, quod deprehensus fuerit furto subduxisse bracteas aureas ab Alexandrina Iunonis simulachro.

DIDYMUS Alexandrinus, ab abenēis intestinis χαλκντέρον cognomen tulit, quod indefesso labore libris assideret: scripsisse supra ter mille & quingentos libros perhibetur.

DRACO legislator in Aeginam profectus, faustisq; populi acclamationibus in theatro exceptus ob perlatas leges, multitudine petasorum, tunicarum & vestium in caput ipsius coniectarum suffocatus interiit.

DEMOCRITUS variis modis studebat explorare animi imaginationes, interdū solitariam trahendo vitam, nonnunquam & in sepulchris delitescendo. Hic in cernendo hereditatem cum fratre, minorem portionem [quæ in pecunia erat] delegit: qua instructus Indiam adiit & AEthiopiam, & Gymnosophistis se coniunxit. Inde regressus parcissime vixit, quippe assumpta omni substantia, & egestatem subsidio ac liberalitate sororis Damasi sustentavit. Postquam verò in eo prædictionem futurorum euentus comprobavit, diuinitatis opinionē vulgus de illo concepit. Rerum primordia atomos (sic individua corpuscula vocat) &

inane esse censuit, cetera omnia ex opinione statui posse dixit: mundos esse infinitos, eos'que & gigni & interire; de nihilo nihil fieri, neq. ad nihilum interimi. Atomos infinitas esse cum magnitudine, tum multitudine, ferri'que per uniuersum & rotatu circumagi, atque ita ex concrementis illis gigni ignem, aquam, aërem, & terram: ista namque coagmentata esse & concreta ex atomis quibusdam, offensæ mutationis'que nescia ob firmitatem: Præterea Solem & lunam ex eiusmodi & quidem rotundis grumulis coactos esse, ut & animam, quam cum mente eandem esse iudicauit. Adde huc & nos cernere ex incurso imaginum: quin & omnia necessitate quadam fieri, quando rotatio illa existat caussa, cuius ope uniuersa gignantur, eam'que necessitatem nominat. Finem verò esse animi tranquillitatem, non eandem cum voluptate (ut nonnulli perperam acceperunt): sed quam sequendo animus tranquillè, constanter, & fortiter se gerit, nullo turbatus metu, aut superstitione, aut alia quacunque tandem offensione, eam'que euewò nominat à felicitate, pluribus etiam aliis nominibus illam donat. Denique censet quæcunque facta sint, legitima esse, natura verò indiuidua & inane.

DIODENES Apolloniata dixit elementum

mentum vniuersi esse aërem, mundos esse extra numerum modumque, & inane infinitum: deinde & aërem spissatum aut rarefactum, mundos gignere: è nihilo nihil existere, neque in nihilum corrumpi: terram esse orbiculatam, quæ stationem suam fixam & stabilem in medio ceperit, ubi à calore circundante ambiatur, & à frigore cogatur atque condensetur.

E

EPIMENIDES Cretensis: huius anima narratur corpore solere excedere quum vellet, & quamdiu luberet, rursusque regredi: mortui quoque pellem literatam notisq. compunctam repertam fuisse fama est.

HERMOGENES rhetor à morte per anatomicos dissectus fuit, eiusq. cor inuentum pilosum, multoque maius quam hominis id natura patiatur.

ERATOSTHENES literæ B cognomento vocitatus fuit, quod summis proximus in omni disciplinæ genere secundas teneret.

EVRIPIDES diem quo Græci Persas prælio nauali cum Xerxe commissso profligarunt, natalem habuit, Atheniensibus prosperam fortunam portendens.

EVCLIDES Megarensis à Socratis nece Platonem & reliquam philosophorum turbam

qui tyrannorum crudelitatem metuebant, in domum suam receperunt. Idem unum esse bonum definiit, pluribus nominibus inclutum, quod nunc prudentia, nunc deus, interdum mens, atque id genus aliis nominibus nuncuparetur: aduersa & contraria bono, prorsus suscipiuit, ne esse quidem diclitans. Demonstrationibus utebatur quae per conclusionem, non autem per sumptiones consistuebantur.

EPICVRVS. Qui hunc probri insimulant, ad Pythoclem formosum adolescentem in hac verba scripsisse referunt, Sedebo operiens optatum tuum, & non minus gratum quam dei ipsius ingressum: Item in libro de fine sic scripsisse, Equidem ignoro quid de summo bono statuam, si tollam voluptates quas sapor ministrat, aut Veneris usus adfert, aut quibus aures permulcentur. Ferunt eundem de Nausiphane Pyrrhonis discipulo scribere. Ista eum in tantum animi stuporem impulerunt, ut & illum verbis sugillaret, & magistrum non vocitaret: ipsum verò, ut fertur, Nausiphanem pulmonem nominabat, illiteratum, impostorem, & cinadum. Platonicos appellabat Dionysij assentatores; ipsum verò Platonem, aureum. Aristotelem decoctorem, quod comeso omni patrimonio stipendia fecisset, & medicamenta vendidisset:

Prota-

Protagoram straguligerum, & Democriti scribam, qui'que in pagis elementa doceret. Heraclitum simium & affectatorem: Democritum Lerocritum, velut nugarum censorem: Antidorum Sanidorum, ac si dicam tabularum largitorem: Cizyicenos Græcia perduelles: Dialecticos multum inuidos: Pyrrhonem imperitum atque illiteratum. Chrysippus Epicuri amulus fuit in scriptorum multitudine, quapropter illum Carneades eius librorum parasitum nominavit: nam si quid scripsit Epicurus, tantundem Chrysippus scribere affectavit: quo factum est, ut sæpius eadem scriptis prodiderit, quod illorum memoria ex animo exciderat: quapropter præ nimia festinatione multa parum castigata attraxit: tantâ'que ibi abundat testimoniorum [quæ adducit] multitudo, ut libri Chrysippi solis illis referti sint. Initio literarum elementa docuisse memoratur, postea nactum Democriti scripta, curriculo ad philosophiam transisse: Vnde Timon sic de illo.

ὕστατος αὖ φυσικῶν καὶ κύντατος ἐκ σάμης ἐλθὼν,
Γραμμοδιδασκαλίδης, ἀναγωγότατος ζῶντων.
id est.

Ultimus è Physicis, Iunonia quem Samos effert,
Grammatices doctor, feruensque libidinis æstu.
Cum quatuordecim dies ager decubisset, labrum

*aneum calda infusa temperatum ingressus, me-
ri poculum poposcit, hausitque, & presentibus
amicis mandans, ut traditorum dogmatum
memores essent, vitam finiuit, extat' que hoc in
eum epigramma.*

*χαίρετε κὶ μέμνηθε τὰ δόγματα, τὲτ' ἐπίκερς
ἔσ' αὖτον εἴπε φίλοις περὶ τοῦ δόποθ' ἰμῶρος.*

*χαλκίῳ ἐς πῖλον γ' ἰσῆλυθε κὶ τὸν ἀκράτην
ἔσπασεν, εἴτ' αἰδῶ ψυχρὸν ἐπεσπάσατο.*

Dogmata vos memori retinentes mente, valete,

Hæc Epicure tuis ultima verba facis.

*Dein labrum ingressus calidum; sorbensq. me-
racum*

Oppetis ac Ditis algida regna subis.

*EMPEDOCLES, Quum Acron me-
dicus, ob illustre inter medicos nomen, à senatu
Agrigentino locum extruendo paterno monu-
mento postulasset, accedens Empedocles id fieri
vetuit, inter cetera quæ de æqualitate egregiè
differuit, tali vsus elogio. Ecquod carmen lu-
gubre incidemus tumulo, istudne?*

*Ἀκρον ἰατρὸν Ἀκρων' Ἀκραγαντῖνον, πατρὸς
ἄκρη,*

κρύπτει κρημνὸς ἄκρης πατρίδος ἀκροτάτης.

*Acronem celebrem medicum, & Acragantis
alumnum,*

Patre satum celebri, tymbus habet celebris.

Isle

Iste quum in opinionem hominum irrepsisset, ob
restitutam vitæ mortuam mulierem, sacri-
ficium fecit publice, presentibus amicorum non-
nullis: quo peracto dilapsi alij quieti se dederunt,
aut sub agri villæ adiacentis arbuslo, aut quo-
cunque tandem libuit loco: ipse accubitus sedem
non mutavit. Orta demum luce, cum ceteri
exurrexissent, solus inuentus non est. Habita-
de viro questione, negantibusque se quidquam
scire famulis, unus inter reliquos dixit se media
nocte inmanem audisse vocem, Empedoclem
nomine vocantem. quumque subito enigilasset,
cælesti iubar oculis aspexisse, nec aliud quid-
quam. Attonitis rei miraculo omnibus placuit
illi, ut deo, rem diuinam fieri oportere: Porro
quod de exanimi muliere fertur miraculum,
eiusmodi ferme esse perhibent, quasi triginta
diebus corpus absque spiritus & cibi usu con-
seruauerit. Ipse Empedocles multas puellas po-
pulares suas indotatas ex priuatis opibus dote
addita locupletauit: propterea purpuram sum-
psit, & aureo strophio usus fuit, adhuc crepidas
aræas induit, & vittam Delphicam. Capillus
ilki erat promissus, pueros alebat, affeclis, ipse se-
ueritatis semper plenus in uno eodemque tenore
perseuerabat, sic in publicum prodibat, non de-
fugientibus, imò iubentibus id ciuibus, tanquam
imperij

imperij cuiusdam insigne. Postremo ad festum solenne dum curru inuectus Messanam petit; prolapsus crus perfregit, unde contracto morbo decessit, uti Neanthes Cizycenus literis consignavit.

Z

ZENON CITIEVS: hunc Citio Cypri oppido oriundum suscepit atque admiratus est Antigonus Macedonum rex: qui interrogatus cur tantopere illum in honore haberet, quod, inquit, nunquam remiserit contraxeritue animos; post multa & ingentia à me accepta beneficia. Cuidam catamito formoso dicenti sibi non videri futurum, ut in amoribus esset sapiens, respondit, nihil vobis formosulis esset infelicius, nisi nos in amore essemus. Hic dicere solebat in sapientem non cadere merorem atque animi aegritudinem: cuius dicti constantiam periclitari volens rex Antigonus, subornauit qui falso illi nunciaret, agros ipsius ab hostibus direptos, uxorem cum liberis abductam: quem cum rex vultu deiecto maestum animaduertisset, viden, inquit, diuitias non esse ex his rebus quibus neutram in partem moueri debeamus.

ZENON ELEATES dicebat mundum esse, vacuum non esse, vniuersi naturam conflata esse è calido, frigido, humida, & sicco, mutuas

mutuas operas inter se mutando tradentibus:
homines è terra ortum ducere: Animam esse
miscellam è prædictis concinnatam, nullo om-
nium prævalente aut exsuperante.
con-
uicio verberatum, ira exarsisse: quod cum alius
illi vitio vertisset, respondisse, si contumelia ve-
xatus id dissimulauero, ne tum quidem quum
laudabor, voluptatem capiam.

H

HERACLITVS aqua intercute corre-
ptus medicos rogauit, num quis intestina cõpri-
mere & humorem exinanire: illis inficiantibus,
soli feruenti se exposuit, iussis pueris vt se fimo
bubulo oblinerent. eo pacto expassus porrectusq.
quum finum duratum deripere non valeret,
permansit, ignoratusque ob insignem mutationẽ
[quod hominis nihil referret] à canibus laniatus
fuit. Nullius auditor extitit, seque suo Marte
inuestigasse didicisseque omnia professus est.
Extat in eum tale epigramma.

Πολλάκις ἠεὶ κλέψεν ἑδάμματα, πῶς ποτε τὸ
ζῶν.

ὦ δὲ διαντλήσας δίσμορος, εἴτ' ἔθανε.

Σῶμα γὰρ ἀρδεύταται κακῇ νόσος ὕδατι φέγγος
ἔσβησεν ἐν βλεφάροισι καὶ σπύτος ἠγάγετο.

hoc est.

Vitam Heraclitus qui sic tolerando malignam,
Morte

Morte cadat misera, sæpius obstupui.
Nam Stygia inuoluit morientia lumina nocte
Morbus aquis tumidis languida membra
rigans.

Iste existimationem, sacrum morbū nominabat:
Visum dicebat mentiri fallique: Ignem esse ele-
mentum: ignisque vicem exhibere vniuersitatis
corpus raritate & densitate conflatum. Nihil
apertè explicat. Cuncta ait fieri ex pugnantibus
& contrariis: vniuersa amnis in morem de-
fluere: rerum vniuersitatem terminis circum-
scriptam esse, vnum esse mundum, cum' que ex
igne nasci, & vice versa vniuersum eum
post certos annorum circuitus atque decursus
conflagraturum, idque fati lege fieri. Con-
trariorum alterum quod genitale est & ad
generationem vergit, bellum & discordiam vo-
cari, alterum verò quod inflammat, concordiam
& pacem. Mutationem esse viam quandam
sursum ac deorsum ducentem, cuius ratione
mundum gignit autumat, nam siffatum ignem
liquari & humescere, atque ubi coierit, in a-
quam abire: rursus aquam coagmentatam, in
terram verti, eam' que esse viam ad inferna. E-
diuerso terram ipsam fusilem fieri, vnde aqua
existat, è qua reliqua propemodum efficit: omnia
nimirum ad exhalationem, quam mare emittit,
retulit

retulit ille, hancq; nominat viam ad superna. Porro euaporationes existere è terra pariter & mari, partim serenas & limpidas, partim nebulosas caliginosasq;: capere autem incrementum à serenis ignem, ab aliis humorem. Ambiens verò cuiusmodi sit, non explicat, esse tamen in eo alueos siue scaphas conuexas ait, in quibus coacervatæ lucidæ exhalationes flammæ elidant, eaq; esse sidera. Solis autem iubar esse splendidissimum feruentissimūque: reliquis astris longiore spatio à terra distantibus, ac ob id minus fulgentibus & calefacientibus. Lunam utpote viciniorē telluri, non ferri per lucidum locum: at Solem in claro puroq; positum, commenso congruūque à nobis intervallo esse disiunctum, quæ ratione fiat, cur melius calefaciat & illustret. Hunc, ut & Lunam, deliquium pati scaphis illis sursum versis: Item Lunæ quolibet mense variantes figuras, quos schematisimos appellant, fieri, dum sensim in ea vertitur alueus ille siue scapha. Præterea diem, noctem, menses, anni temporum vices, annos, imbres, ventos, & horum similia, pro diuersitate exhalationum fieri, serenam namque & claram exhalationem in solis circulo inflammata, diem producere: contrariam verò, si superior fuerit, noctem gignere: sic calorem splendoris ope ad-

C auctum,

auctam, astatem facere; è contrario humorem
redandantem ob ambientis aëris tenebricosam
obscuritatem, hyemem efficere. De terra, cu-
iusmodi sit, nihil definit. Extant in eum hæc
epigrammata.

Ἡρακλείτης ἐγὼ, τί με ὦ κατὰ ἔλκετ' ἄμουσοι,
οὐχ ἱμῖν ἐπώνουω, τοῖς δὲ μ' ἐπισταλμένοις.
εἰς ἐμοὶ ἄνθρωπος, ἥτιστ' ἔμυροι, οἱ δ' ἀνάριθμοι,
οὐδεὶς ταῦτ' ἀνδρῶ καὶ ὧδ' ἀπερσεφόνη.

id est:

Heraclitus ego, quid me gens barbara vexas?

Isle labor doctis, non tibi suscipitur.

Vnum habeo pro sexcentis, pro nemine turbam,

Hoc in regno Hecates disfero tergemina.

Aliud:

Μὴ βῆχ' ὡς Ἡρακλείτου ἐπ' ὀμφαλον εἴλεε βίβλον

Τῆ' Φεσίου, μάλα τοι δύσβατος ἄφαπτός.

Ὅρφη καὶ σκότος ἐστὶν ἀλάμπτον, καὶ δέ σε μύ-
σης

Εἰσαγάγῃ, φανεροῦ λαμψέτερ' ἡελίς.

id est:

Heracleti oculo librum properante cauetō

Voluerē, namque aperit se vīa inexplicita.

Omnia nigrescunt tenebris, quas mysta peritus

Si retegat, nitido sint magē clara die.

*Dilucidus alioquin & perspicuus in scriptis
est, ut etiam quāvis tardo homini obuius intel-*

lectus

lectu sit, & in mentem facile penetret, verum styli breuitas & grauitas incomparabilis est.



THEODORVS cognomento dictus ἄθεος, hoc est, impius, postea Θεός, id est, Deus, opiniones de dijs penitus antiquauit ac sustulit: finem statuebat esse gaudium & tristitiam, illud prudentia & rerum cognitione, hanc uerecordia & stultitia metiens. Bona esse prudentiam & iustitiam, mala contrarias animi affectiones: media uero voluptatem & dolorem. Sustulit idem amicitiam, quod ea neque penes stolidos, neque penes sapientes sit: nam sublato usu, amicitiam confestim aboleri atque interire: Sapientes rursus, quum sua sint sorte contenti, amicorum opem non requirere. Aiebat rationi consentaneum esse, ut vir bonus subtraheret se uitæ pro patria impendenda periculo, neque enim abiiciendam temerè cordati viri prudentiam pro stultorum commodis: Mundum esse nobis patriam. Sapientem furto, adulterio, sacrilegiôque se dediturum, ex usu temporis: horum etenim nihil natura turpe esse, si tollas popularem de hisce opinionem, quæ ad continendum in officio vulgus hominum recepta est. Iste aliquando periculum adiit, ut in Martium vi-

cum, Arcopagum nomine, pertraheretur, ni Demetrius Phalereus eum discrimini exemisset. Sunt qui dicunt illum etiam cicutā hausisse iudicio condemnatum.

T H E O D O R V S alter Samius consuluit ut templi Ephesini fundamentis carbones substernerentur, quod loco uliginoso carbones lignea exuti natura soliditatem acciperent aquis inexpugnabilem.

T H E O P H R A S T V S. huius ludum frequentasse ad bis mille auditores dicuntur.

I

H I P P A S V S Metapontinus dicebat statum esse interitus mundi tempus, ipsumq; uniuersum certis finitum esse terminis, motūque sempiterno cieri.

K

C A R N E A D E Libyco philosopho è vita discedente Luna defecit, & sol tenebris obscuratus est.

C R A T E S Atheniensis & Polemion ita mutuo se inuicem amore complexi fuerunt, ut vini non iisdem modò studijs dediti, verum etiā usque ad extremum perē spiritum inter se mores conformauerint, ac mortui communi sepulchro tumulati sint: Vnde & Arcesilas à Theophrasto ad eos diuertens dicere solebat, illos esse deos

deos quospiam, & aurei sæculi reliquias: neque enim vulgi applausum quærebant, sed Dionysodori tibicinis similes erant; quem gloriatum accepimus, quòd suos modos ad lyram pulsos nemo unquam inaudisset in triremi, aut apud fontem, quemadmodum Ismenie Thebani.

CRANTOR Solensis admiratione Homeri & Euripidis tenebatur, dielicans arduum esse & operosum, Tragicè & servatis affectibus scribere: protulit'que versum ex Euripidis Belerophonte,

οἱμοι, π' δ' οἱμοι; ὅντα' τοι πεπὸν δαμνῶ.

id est,

Hei mihi, quid hei? mortalia at passi sumus.

In fingendis vocabulis mirè felix, itaque poëta cuiusdam versus blattis refertos esse dixit, & Theophrasti theses testa fuisse exaratas.

CLEANTHES Cratetis discipulus, ita ad labores impiger fuit, ut Hercules alter nominaretur: nam, quum deesset illi vnde victum quæreret, nocturno tempore hauriebat è puteo aquam mercede, interdum disciplinis gravioribus vacabat, vnde pro Cleanthe Phreantiles, seu puteorum exantlator, cognominatus est. Iste prolata in medium familiarium cætum pecunia quam labore coëgerat, Cleanthes, inquit, si velit, etiam alteri Cleanthi victum ministrare queat,

quum hi, quibus abundè est unde alantur, ab alijs ad usum vitæ necessaria expetant, quamvis perfunctoriam philosophia operam nauantes. Quum quidam dixisset Arcesilaum ab officio discedere, respondit, Desine maledicere: & si namque contra officium loquitur, re tamen ipsa illud stabilit. Tum Arcesilaus, Adu-lationem, inquit, non recipio: subiecit Cleanthes, Certè adulator tibi, qui aliud loqui te aliud præstare dixi. Interroganti cuidam quid potissimum filio inculcaret atque præciperet, illud, inquit, *Ἐλέτρα*:

Σίγα, σίγα, λευκὸν ἵχθυος.

Sile, sile, candidum uestigium.

Sositheum poëtâ conuicium ipsi ingerentem, et pœnitentia ductum recepit in gratiam, dictitans absurdum fore, si quum Liber pater & Hercules à poëtis totiens ludibrio habiti non incandescant, ipse ob leuem offensam & maledictû succenseret.

A

LEVCIIPPVS Eleates dicebat cuneta esse infinita, & in se mutuo commutari: uniuersum esse inane & corporibus plenum, mundosque gigni, dum corpuscula inane illud replent, atque inter se complicantur ac cohærescunt, proutque ratione illorum incrementi per motum sidera

dera existere. Solem ampliore circulo circumagi
 extra Lunam, tellurem verò in medio rapi ve-
 luti vehiculo actam, eiusque speciem tympano
 esse non absimilem. Primus iste insectilia cor-
 puscula rerum initia statuit. Vniuersum sine ca-
 rere dicit, cuius hoc plenum sit, aliud inane: sta-
 tuit & elementa, & mundos ex his infinitos
 esse, ac in elementa abire dissolui que. Mundos
 autem hac ratione fieri. Ex infinito multa &
 figuris omnigenis prædita corpuscula dissilire
 velut assulas abscissas in magnum inane, que
 coacta rapi una vertigine & circumactu, cuius
 impetu impacta & modis varijs in orbem rota-
 ta, similia seorsum ad sui similia separari se-
 cerni que contingat. : è quibus a quo momento
 libratis & ob multitudinem circumagi nequcun-
 tibus, exilia discedere ad exterius inane, veluti
 cribro increta, reliqua considerare simul & com-
 plexu quodam in unum concurrere, primumque
 efficere coagulum quoddam spheriforme, atque
 id ceu fœtus inuolucrum edi ac produci, in se
 omnigena corpuscula quæ ambit continens, qui-
 bus circa centri medij umbilicum circumrota-
 tis, ambientem membranam extenuari, dum
 semper contigua corpuscula, attractu vertiginis
 rapta in unum confluunt, eaque ratione tellu-
 rem esse factam, quando illa quæ in meditullium

delata sunt, simul herent atque permanent. Rursus ambiens illud inuolucro simile, incremento augeri, corpusculis externis in potestatem reductis, quando vortice circumactum, quaecunque attigerit, sibi adiungat velut peculium. Ex his nonnulla quæ adhesere in massam cogere, madidam initio & limosam, arefacta verò & cum vniuersi rotatu circumuoluta, ac deinde inflammata, in aëstorum naturam conueriti. Solis circulum esse extimum, lunæ nouissimum terræq; proximum, cæteris intermedium positum obtinentibus. Sidera omnia ignescere ob concitatissimæ motus celeritatem: à sideribus solem quæque flammam consipere: lunam verò paululum ignis participare. Solem item & lunam defectu laborare, propterea quod versus meridiem tellus deurgat: borealem plagam semper niue horrere, algere, & gelu concrefcere. Solem rariùs, lunam frequenter deficere, eo quod vtriusque circuli impares sint & inæquales. Mundum & gigni & augeri, & imminui tabescereq; necessitate quodam, quæ cuiusmodi sit, ipse explanat.

M

MENEDEMVS Eretriensis architecti filius fuit; unde ex Alexini cætu quidam conuictio cum incessit, ob promulgatam ab eo legem, dictitans,

*dictitans, Non decere sapientem vel scenam,
vel populi scitum ut fabricet. Missus Mega-
ram ab Eretrienfibus praesidiariorum praefectus,
venit ad Platonem in Academiam, captusq; ve-
luti reti, valedixit militia. Grauitati morum
deditus fuit, quamobrem Crates parodicè in
eum lusit,*

Φλιάσιόν τ' Ἀσκληπιάδης, καὶ ταῦθ' ἐπέζη.

id est,

Phliasiumq; Asclepiadem, taurumq; Eretrensem.

& Timon ita,

*ἄλγεα ἀνάσῃσας, ὀφρυωμένος, ἀφροσι βόμ-
βαξ. hoc est:*

*Ille supercilium tollens, & vendere nugas,
Ac medium digitum consuetus porgere vulgo.*

*Seueritas eius tanta fuit, ut Eurylochus Cas-
sandreus cum Cizyceno Cleippide puero accitus
ad Antigonum, respuerit venire, dictitans
vereri se, ut Menedemo res innotescat: erat
enim impendio mordacior in carpendo & libe-
rioris linguae. Antigono consilium petenti quid
dicturus esset, si ad coepulantes accederet, cetera
tacitus, solum iussit illi nunciari, quod regis es-
set filius. Astupido quodam, qui ad illum ne-
scio quid sine delectu attulerat, interrogauit;
num agrum haberet: quum ille praedia sibi com-
plura esse adiecisset, Abi, inquit, & illorum sat-*

age, ne & illa fortè perdas, & scitum idiotam inuitus amittas. Dicentem multa esse bona, sciscitatus est, quot essent numero, & an centenis plura. Idem erat leni & remisso animo, parumque satagens rerum scholæ suæ: itaque nulum apud illum videre erat ordinem, neque sedilia in ortem erant disposita, sed ut quisque fortè obambulabat aut sedebat, ita illi audiendo operam dabant. Cratetem qui in catu hominum astant asperius illum inceserat, quod ad capefendam rem publicā accessisset, in carcerem duci præceperat, sed ille nihilo ob id deiectior, prætereuntem ac præ alijs eminentem, obseruare, & hominem Agamemnonium atque ἡγεμόνα, hoc est, ciuitatis principem appellare non destitit. Erat idem paulo superstitiosior: quare quum aliquando cum Asclepiade in diuersorio carnes proiecetas edisset, re cognita, nauscare cepit & impallescere, donec eum obiurgans Asclepiades diceret, non carnes illi attulisse eam molestiam, sed præsumptam suspicionē. Ceteroqui vir fuit in excipiendis hospitio amicis liberalis, & agitando frequentioribus conuiujs intentior, quod Eretria morbidum aerem haberet atque insalubrem. Plurimum Homero tribuit & Melicis, deinde Sophocli & Achao, cui in Satyris secundum, ut Aeschylo principem locum dedit.

vnde

unde in eos qui in regenda republ. sibi aduersa-
bantur, ut fertur, hos senarios iactabat,
ἡλίσκειτ' ἄρα καὶ πρὸς ἀδυνῶν ταχὺς,
καὶ πρὸς χελώνης αἰετὸς βραχέϊ χροῖω.
hoc est.

*Quandoque pernicem capit tardus pede,
Aquilamque testudo brui praeuerterit.*

Sunt autē ex Omphale Satyrice Achai. Qua-
propter falluntur qui nihil illum legisse prater
vnā Euripidis Medeam dictitant. Quum
Stilponem laudaret, aliud nō dixit, quā quod
liberalis esset. In quæstionibus adeo vehemens
fuit & pugnax, ut non discederet nisi sugil-
latis prius oculis. Tam arcta verò amicitia de-
uincti erant ipse & Asclepiades, ut cū Archepolis
censuisset danda illis tria drachmarum
millia, obfirmatis animis vter secundo loco tol-
leret, neuter acceperit. Vxores autem duxerāt
Menedemus matrem, filiam Asclepiades; qua
extincta, Menedemi coniugem hic sibi adiun-
xit; ille verò iam reipub. præfectus, opulentam
duxit, permissa priori vxori ædium communiū
administratione. Symposia hunc in modum ob-
ibat. Cum duobus tribusue prius cibum sume-
bat, donec præceptus iam esset dies: deinde voca-
bat aliquos accedentes, & quidem iam ante cæ-
natos. Itaque si qui adueniret, ocius descedens
sciscita-

sciscitabatur egredientes quid in mensa esset appositum, & quod esset diei tempus; si igitur olusculum aut salsamentum id erat, abibant; si carniū quippiam, ingrediebantur. Aestate lectuli storea insternebantur, hyeme villosis pelibus stragulisue. Ceruical autem sibi quemque adferre oportebat: poculum quod obambulabat, hemina capacius non erat. Tragemata erant lupini aut faba, interdum è temporariis fructibus, poma, mala punica, pira, & plerunque ficus passa. Lycophron, qui illius encomium conscripsit, de eo sic ait:

ὥς ἐκ βραχέας δαιτὸς ἢ βασιλῆος
 αὐτοῖς κυλεῖται πρὸς μέτρον, τράχημα δὲ
 ὁ στωφευγιστὴς τοῖς φιληκούοις λόγος. id est:

Cana in breui pusillus admodum calix
 In orbem obambulatur, tragematum efficit
 Vicem eruditus sermo cum sodalibus.

Aiunt illum patriam è tyrannorum manibus non semel liberasse, & ad Antigonom se contulisse, voluisseq; eam iterum reddere liberam: sed quum ille flecti non posset, prae animi maiore postquam septem dies in ediam tolerasset, vita excessisse.

MELISSVS dicebat vniuersitatis corpus esse infinitum, ac mutationis motusq; expers: & vnum sibi ipsi simile ac plenum, motum non esse,

*esse, sed videri. De Deo nihil esse certò statuen-
dum & assenerandum censebat, nullam enim
eius esse cognitionem.*

N

NICOLAUS. *Nicolaum philosophum
Damascenum tanto amore complexus fuit Au-
gustus Caesar, ut missas ab eo ad se placentas, Ni-
colaos vocaret, quæ in hunc usque diem durat
appellatio..*

NUMENIUS *Pythagoricus philosophus
Apamia oriundus, Platonis ingenium nota per-
stringit, quòd veluti plagio subriperit è Mosai-
cis libris, quæ de Deo & mundo prodidit: eò spe-
ctat quod dicit, Quid enim aliud est Plato, quàm
Moses Atticissans?*

NESTOR *Lycius carminum scriptor, cõ-
posuit Iliadem certis literis carentem, nam in
primolibro, qui per A notatur, nullum α inue-
nias, atque ita in omnibus libris alphabeti græ-
ci ordine distinctis deest sua cuique litera. Si-
militer illi Odyssæam scripsit Tryphiodorus.*

Ξ

XANTHVS *Lydius historicus in Lydiacæ
historiæ secundo memoriæ prodidit Gygen Lydo-
rum regem, primum feminas castrasse, quo illis
semper atate florentibus novisque vteretur.*

XENOCRATES *philosophus, quum Ale-
xander*

xander Macedo misisset illi dono triginta auri talenta, remisit, dictitans regem pecunius, non autem philosophum opus habere. Antipatro Athenas venienti, ipsumq; complexo, non prius sermonis vicem reddidit, quam ille inceptam orationem finiuiisset. Ipse verò à fastu alienissimus secum frequenter luce meditabatur, horamque unam silentio partiebatur. Tantum tamen virum Athenienses aliquando venundederunt, quum non posset inquilinarium tributum appendere: eum emit Demetrius Phalereus, vtrique subueniens atque opitulatus, quando Xenocrati reddidit libertatem, & Atheniensibus tributum inquilinarium persoluit.

XENOPHANES Colophonius quatuor esse rerum elementa dixit, mundos sine fine, immutabiles, nubes condescere attractis sursum vi solis humoribus, & in ambiente locum capientibus. Dei substantiam esse sphaeriformem, nihil homini simile habentem, & totum quicquid ubique est videre ac audire, nec tamen spiritum ducere: simulque omnia esse, mentem, prudentiam, & aternitatem. Primus asseuerauit quicquid gignitur, interitui esse obnoxium, & animam esse spiritum; dixit & pleraque esse mente inferiora deterioraque. Cum tyrannis vel non omnino sermonem habendum esse, vel

vel quàm suauissimè. Empedocli dicenti sapien-
tem haud temerè reperiri, respondit, Rectè tu
quidem, quippe sapiens sit necesse est, qui sapien-
tis cognitionem habebit. Primus etiam dixit
cuncta esse incomprehensibilia.

O

HOMERVS: hunc tradunt historia ca-
ptum oculis fuisse, quòd cupiditati & libidini
qua per oculos irrepit, non cesserit victus.

Π

PALAMEDES literaria eleme nta qua-
tuor inuenit, Ζ, π, φ & χ.

PINDARVS Lyricus precatus Deos, ut
quod in vita maximè optandum sit, sibi darent,
in theatro repentina morte extinctus est, reclin-
capite super amasij Theoxeni genua.

PLATO Philosophus dicitur & connubiū
& uenereum congressum in uniuersum respui-
se: rumor erat matrem ipsius è numine graui-
dam uterum tulisse, obiecto illi Apollinis viso,
ac post editum Platonem, tum demum Aristo-
nem maritum cum ea consuetudinem habuisse.
Platonis nomen accepit, quòd πλατὺς, id est,
lato vel pectore vel fronte esset: alij inditum no-
men rentur ab ubertate sermonis, hoc est, ver-
borum latitudine. Timon Comicè illum tradu-
xens in Sillis (ita vocauit sales ac dicteria in phi-
losophos

λοσοφος ιαδτα,) de eo hunc in modum ait.

ὅς πάντων δ' ἡγαῖτο πλατύνειν, ἀλλ' ἀγο-
ρητῆς

ἡδυεπὴς τέττιξ ισόγραφος, οἱ θ' ἐκαδ' ἡμε-
δένδρῳ ἐφεζόμενοι, ὅπα λειρόσσαν ἱέσι.

hoc est.

*Præuius ante omnes ductor latissimus ibat,
Suauiloquens orator, & u quem iure cicadis
Argatis possis componere, quas Hecademi
Consonct arbutum modulantes voce canora.*

*Initio enim Hecademi fundus Academia di-
cta fuit. Hic Heracliti, Pythagoræ, & Socratis
rationes commiscuit atque confudit; nam quæ
sensibus obuiâ sunt, ex Heracliti sententia tra-
ctauit: quæ mente comprehenduntur, secundum
Pythagoram explicuit: in politicis & ciuilibus
rebus, à Socrate non discessit. Multa ab Epi-
charmo Comico mutuatus est, ut testatur Al-
cimus, qui etiam hac dicit: Rerum periti dicunt
animam partim per corpus persentiscere, nimi-
rum videndo audiendoque: partim per se ipsam
concipere atque intelligere, nusquam corporis o-
pe usam; ac proinde rerum alias sensibus perci-
pi, alias animo cognosci. Quamobrem Plato
dixit eos qui vniuersitatis primordia animo eō-
plecti desiderât, primum oportere seorsum per se
rerum formas, Ideas appellant, disungere atq;
dispartire,*

dispartire, exempli gratia, similitudinem & v-
 nitatem, multitudinem & magnitudinem, sta-
 tum & motum: Secundo loco ipsum per se ho-
 nestam, bonum & equum, quæque eius ge-
 neris sunt alia constituere: tertio cernere quæ
 idee sub eandem rationem cadant: ut scientiam
 aut proceritatem, aut principatum, idque ani-
 mo reputare, quod nostratia cum illis gentilia
 sint, ac nomine cōueniant, & quod cum ijs par-
 ticipent: verbi gratiâ, Aequa esse quæ cum
 equo, honesta quæ cum honesto communicent.
 Inter Ideas autem vnum est aliquod sempiter-
 num, & intelligentia ipsa, omniumque affectio-
 num vacuum: propterea dicit Ideas, id est, re-
 rum formas existere tanquam exemplaria, ce-
 tera ius assimilari, velut earum expressa simu-
 lachra. De bono summo & Ideis sic fermè E-
 „ picharmus loquitur: Num tibiæ cantillatio res
 „ quæpiam est? certè est. homo ergò cantillatio ti-
 „ biæ est. Minimè gentium. Agè videam, quid
 „ verò tibicen aliquis videtur ne tibi esse homo an-
 „ secus? Prorsus. Idem igitur sentire de bono vi-
 „ deris, ut hoc bonum sit, illud res sit per se: qui
 „ dena carminum genera perdidicit, is iam bonus
 „ efficitur. Plato Chabriam ducem capitis accusa-
 „ tum comitabatur, nullo id ciuium tentare auso,
 „ quo tempore inter ascendendum unâ cum illo

Dialogi
 mus.

in arcem Athenarum, quum Crobylus quadruplator illi obutam factus istud ingessisset: alteri auxiliaturus venis, at nescis te quoque manere Socratis cicutam: ipse respondit, quum pro patria militarem; pericula sustinui, & quidem nunc in amici gratiam, ne officium de eram, sustinere non verebor. Eiusmodi tamen vir non effugit maledicta & scommata Comicorum, inter quas Theopompus,

ἐν γὰρ ὅτιν ἀδ' ἐν,

τὰ δὲ δύο μόλις ἐν ἐστίν, ὡς φησὶ πλάτων. id est,

Vnum enim uero ne unum quidem est,

Imò duo vix sunt unum, quod sentit Plato.

præterea Anaxandrides,

ὅτε τὰς υβείας ἔβρωγ' ὡς περὶ πλάτων.

hoc est:

Quum denorabat oleas, ut solet Plato.

& Timon ad nomen alludens,

ὡς ἀνέπλασε πλάτων πέπλοσμένα θαύματα

εἰδώς.

Ceu finxit portenta loqui & miracula doctus

Vana Plato.

Item Alexis,

εἰς κατὰ ἐν ἡμέρῃς ὡς ἔρωγ' ὀπορευμένη

ἀνὼ κατὰ τε ὠρειπατῆς ὡς περὶ πλάτων.

σοφὸν ἐδέν' εὐρηκα, ἀλλὰ κοπῶ & σκέλη. hoc est,

In tempore aduenis, nam consilij indiga

Sursum

*Sursum deorsum palor, ut Plato, obambulans,
Nec repperi sapientem lassacruribus.*

Iterum.

λέγεις ὡς ὃν οὐκ οἶδα συγγενοῦς ἔχειν
Πλάτωνα, καὶ γνώσῃ λίξον καὶ κέρμυον.

hoc est:

*Ipsi tibi ignota loqueris, quin ut Plato
Vagus discurre, & quid cepe ac nitrum, scies.*

Amphis in Amphicrate,

τό δ' ἄρα θὸν ὃ, τι ποτ' ἔστιν, ἔσὺ τυγχάνειν
μίλλεις δὲ ταυτὶ, ἥ τ' ὃν οἶδα τὴν ἐγὼ
ὧ δέωσ' ἢ τὸ τῆς πλατωνος ἄρα θόν. *hoc est,*

*Quod nam istud sit bonum, quo tu potirier
Te posse reris propter hanc, equidem minis
Here scio, quàm Platonis quod fuerit bonum.*

Plato quæ assecutus & animo cõplexus fuit,
asserit, falsa refutat, de incertis definire super-
sedet: de iis quæ approbat, per quatuor personas
sententiam suam prodit, nempe Socratem, Ti-
maum, Atheniensem hospitem, & exterum E-
leaten. Mendacium verò refellentes inducit
Thrasymachum, Calliclen, Polum, & Gorgiam.
Animam dicebat principium sui habere Arith-
meticam, corpus verò Geometriam: definie-
bátque animam esse formam spiritus quoquo-
uersum distracti, & se suapte vi mouentem.

PYRRHO Eleus Anaxarcho comes cum

Gymnosophistis, Indis, & Magis consuetudinem habuit. Hic legem quandam & formulam inuexit incomprehensibilitatis (quam ἀνταλν-
 ξία vocat, quasi nihil percipi possit) & epo-
 ches, quam assensionis retentionem, suspensionemue dicimus. Negabat quidquam reuera esse honestum vel flagitiosum, iustum vel iniustum: & consimiliter de ceteris: homines tantummodo cuncta agere aut ex legis instituto aut ex consuetudine differebat, nihilo enim magis hoc quam illud esse. Predicant illum solere solitudines & secessus captare, raro domesticis videndum se praebeo, idq; fecisse ab eo tempore, quo Indum audierat Anaxarcho exprobrantem obijcientemque, quod alium neminem virtutem & bonum doceret, ipse aulas regum colens atque frequentans: Præterea eodem in statu habituque persistere solitum memorant, ut etiam si dicentem quis desereret, secum nihilominus inceptum sermonem perageret. Non raro peregrinationem suscipiebat, nemini sui instituti indicium faciens, & quibus cū vellet vnā vagabatur. Deprehensus quandoque secum loqui, causamque interrogatus, respondit meditari secum, qua ratione vir bonus fiat, & alijs utilis. In quaestionibus nemo despectui illum habuit, eo quod oratione pressa, & ad interrogacionem

tionem accommodata responderet. In patria tanti est habitus, ut pontifex maximus designatus fuerit: atque in eius gratiam omnibus philosophis immunitas à vectigalibus plebiscito promulgata est. Piè vixit & cum sorore obstetricante. Idem in forum deferbat venum auiculis, si ita res ferebat, & porcellos. Vtensilia domus promiscuè tergebat atque mundabat. Cōmotior in sororem, cui Philistæ nomen erat, & ob id reprehensus ab alio, dixit: In muliercula non esse edendum specimen adiaphoria & indifferentia. Irruente olim in eum cane exterritus, adculpantem dixisse memoratur, Quàm difficile est hominem penitus exuere: contendendum tamen est primum, quàm fieri potest, maximè operibus, si id nequeat, saltem ratione.

POTAMON. Potamonem Mitylæneum rhetorem patrium solum repetentem Tiberius Cæsar huiusmodi literis viatici loco instructum dimisit. Potamonem Lesbonactis filium si quis offendere aut incommodare ausus fuerit, consideret secum ille, an mecum suscipere bellum valeat.

Σ

SIBYLLA Romana vox est, fatidicam mulierem significans, unde Vaticinæ famina

uno nomine Sibyllæ vocantur : decem autem numero fuere , quarum prima Chaldaea de CHRISTO vaticinata est ; cuius si versus aliquot imperfecti , & metricis legibus parum constantes inueniantur , non ipsius id culpa , sed notariorum vitio accidit , qui vim ac flumen verborum calamo assequi nequiverunt , quòd simul cum cessante inspiratu , dictorum memoria intercideret atque moreretur.

STESICHORVS Lyricus , quum scripsisset Helenæ vituperium , luminibus orbatus fuit , recepto visu , postquam recantasset edito Helenæ encomio ; nomen autem Stesichori accepit , quòd primus chorum statuerit in cantu ad citharam , dictus antea Tisias.

SAPPHO Lesbica amore Phaonis Mitylenæ ardens de Leucate promontorio in mare precipitem se dedit.

SOPHOCLES tragicus , Apis cognominatus fuit , ob carminis suauitatem.

SOPHRON Syracusius Agathoclis F. scripsit oratione soluta , sed Dorica dialecto , Mimos masculos & muliebres , quos Platonem semper in manibus habuisse ferunt , illisque etiam indormire suetum.

STILPON Megarensis inuentionis gratia & argutiis intantum superauit ceteros , ut
omnis

omnis tantum non Græcia coniectis in eum oculis intentæ Megarisare cæperit : auellit itaque ab illis multos discipulos : præterea Diphitum Eosphorianum & Myrmecem Exaneti F. ad se venientes arguendi gratiâ , affectatores habuit . Excepit eum lenignè Ptolemæus cognomento Seruator, qui Megaris potitus & pecuniam illi dedit , & ut secum in Aegyptum nauigaret, hortatus est . at ille exiguum quid pecuniolæ admisit, iterque abnuens in Aeginam tantisper concessit, donec ille regnum repetisset . Quin & Demetrius Antigoni F. occupatis Megaris & ædificium ipsius ab iniuria conseruari, & facultates iam antè direptas restitui curauit , quando poscenti tabulas amissæ substantiæ indices regi respondit, nihil sibi priuatæ rei perisse, quâdo nemo ademerit sibi doctrinam , & eloquentiam scientiâque reliquas habeat : itaque de beneficentia differens, quæ à mortalibus præstari possit , ita regem cepit atque demulsit , ut ab eo totus penderet . Fuit reuera festiuus, simplex, simulationis nescius , & rudibus accommodatus . Hic videns Cratetem hyeme amictu obnuptum , Videris , inquit , mihi Crates nouo opus habere indumento , nimirum mente & veste : in quem mox Cratès parodia Homerica ita lussit :

καὶ μὴν σίλπων' εἰδὺν χάλεπ' ἄλγε' ἔχοντα
 ἐν μεγάροις, ὅθι φασὶ τυφώεος ἑμμεναι εἵνας,
 ἐνθάδ' εἰρίσκειν, πολλοὶ δ' ἀμφ' αὐτὸν ἐταῖροι,
 τὴν δ' ἀρετὴν ὧσα' ῥάμματι δῶκοντος κατέ-
 ξιβον. *i. d. est,*

Vidi equidem Megaris Stilponem infanda feren-
tem

Fama ubi Centimanum cepisse Typhoëa sedes,
Ille agitat lites: circum illum densa ceterua
Virtutem contra hac aëtoris scripta terebat.

Porro Stilpon senio confectus, morboque im-
 plicitus vinum poposcit, quo mors accelerare-
 tur, quod & euenit. Hic tollebat species, aiebát-
 que qui diceret hominem esse neminem, neque e-
 nim de hoc loqui, aut de illo, cur enim potius de
 hoc, quàm de illo? neque igitur de hoc: rur-
 sus, olus quod digito monstratur, non est, fuit
 enim ante millem annos olus, non est igitur
 hoc olus.

T

TIMÆVS Tauromenita dictus fuit con-
 uitio, Anus collectrix; eò quòd trivialia con-
 scriberet, velut anilia fabulamenta.

TIMOLAVS Larissæus rhetor congemi-
 nauit Iliadem, versum semper versui subiiciēs,
 hoc modo:

Μῆνιν ἀείδε θεὰ πηληϊάδεω Ἀχιλῆος,

ἠὲ θεο

ὡς ἔδετο χρύσου κεχλωμένος εἵνεκα κούρης,
 ἐλομένῳ, ἢ μὲν αἰχαιοῖς ἀλγε' ἔθηκεν
 μάρναμένοις, ὅτε βῶσιν ἄτερ πολέμιζον ἀνα-
 κτες,

πολλὰς δ' ἰφθίμοις ψυχὰς αἰεὶ περὶ αἶσαν
 ἔκτορος ἐν παλάμῃσι δαΐζομένων ὑπὸ δουρὶ.
 hoc est,

*Iram diua mihi Pelidæ suggere Achillis,
 Quam Chrysa ob natam sumpsit (cui iniuria
 facta)*

*Letalem, quæ mille malis inuoluit Achinos
 Pugnantes, dum bella cient ductore carentes,
 Heroumq; animas fortes demisit ad Orcum,
 Hectoreis manibus, quos hausit missile ferrum.*

TRIBONIANVS Iustiniano Imperatori
 adulans, ei persuasit non moriturum ipsum, sed
 unâ cum corpore raptum celo immigraturum:
 erat autem paganus & impius.

TYRTÆVS. Tyrteum elegiacum poetâ,
 carminibus Lacedæmonios (quo tempore cum
 Messeniis bellum gerebant) animasse, eaq; ratio-
 ne victoriam illis peperisse proditum est.

TYRANNION Emisenus prius Theo-
 phrastus [ab eloquij diuinitate] posterius Ty-
 rannion mutato nomine dictus est, quod æquales
 qui in eodem secum ludo erudiebantur, vexaret
 molestaretq;. Captus fuit à Lucullo, Romæq; in

magnis diuitiis viuens possedit supra tres librorum myriadas.

Υ

HYPATIA Theonis Alexandrini philosophi filia, ab Alexandrinis diuulsa ac descripta est, cadauer ludibrio iactatum per totam urbem frustatim disparatū ac sparsum fuit. quod illi accidit ex inuidia orta ob eximiam peritiam rerum præsertim Astronomicarum.

Φ

PHÆDON Elæus Socratis auditor ab Indis captus, ac lenoni venundatus, ab eo prostitutus Athenis fuit ad stuprum. Is fortè in Socratem incidens publicè profitentem, disputationibus illius mirè affici capit, petijtq; obnixè, ut redimeretur. Itaq; Alcibiadem flexit Socrates, qui eum mercaretur: quo factò iam inde philosophari incepit. Auspicatus est Eliacam sectam à se nomen adeptam, quæ postea à Menedemo Eretriensi Eretriaca appellata fuit.

PHERECYDES Syrius (est autem Syra è Cycladibus insulis vna) nullo usus fuisse magistro, suoque Marte profecisse dicitur, postquam apocrypha & arcana Phœnicū commentaria nactus fuerat. Hic primus opinionem de animorum transmigratione inuexit: absumptus autem fuit à pediculis.

P H L

PHILEMON Syracusanus nimio risu extinctus fuit, ut & Philistion Nicaensis, de quo extat epigramma.

ὁ τὸν πολὺς ἐναχθὲν ἀνδρώπων βίον
γέλωτι μίξας νικηθεὺς φιλιςίων. *hoc est,*

Mortalium arumnosam vitam miscuit

Risu Philistion, Nicæa quem dedit.

Hic scripsit Cachinnatorem.

PHILISCVS Milesius rhetor, antea clarus artis gloria tibicen, quem Isocrates orator tibiæ foratorem nuncupabat.

PHILETAS Cous præ macilentia vitam finit, dum fallacem, quam vocant, ratiocinationem exquirere studet.

PHILON Hebræus tantam cum Platone & ingenio & scriptis affinitatem habuit, ut in prouerbum abierit apud Græcos, Aut Plato Philonifat, aut Philo Platonifat.

PHILOSTRATVS Lemnius, qui de Imaginibus librum scripsit, filius fuit primi Sophistæ Philostrati Lemnij: docuit Athenis, postea Romæ Imperante Seuero.

X

CHOERILLVS Samius poëta scripsit Atheniensium victoriam de Xerxe, pro cuius poematis singulis versibus aureum staterem dono accepit, decretumq; senatusconsulto, ut cum Homericis

Homericiſcriptis ſimul legeretur.

CHRYSIPIVS. Chryſippum Philoſophum criminantur nonnulli, quod praeuidiſſe animo ſe dixerit, qua ratione ſapienti quaſtus ſit faciendus, & qua de cauſſa inſituendus: nã ſi in vitæ gratiam id ſit, vitam ait eſſe in medijs habendam, ſi ut voluptati ſeruiatur, ipſam quoque eodem in numero habendã: at ſi propter virtutẽ, hæc abunde per ſe inſtructam opibus ad vitam beatè peragenda. Sunt autem (ut dicunt) ridiculi modi quaſtus eiſmodi, qui ſi à rege proficiſcatur, cedendum illi neceſſario fuerit: ſi ab amicitia, venalis ea fuerit accepto munere: ſi à ſapientia, hæc quoque mercenaria fuerit. Hunc ad philoſophiam acceſſiſſe perhibent, poſtquam in fiſcum regis tota paterna ſubſtãtia diffluxiſſet.

F I N I S.

AD BENIGNVM LECTO-

REM IN SEQUENTES CA-
stigationes atque annotationes ad-
monitio.




In emendando Hesychionostro, indeq; occasione ita ferente, Laertio etiam sanando salutarem manum interdum admouerim, haud in-
diocre operæpretium facturis mihi videbar: apud maleuolos tamen sciolosq; cō-
uitij aspersiuncula non carituram meam hanc operā hariolor, dicturos fortasse bi-
nos me dealbādos suscepisse parietes: sed sciant illi duabus anchoris in tempestate confirmari nauim quæ iactatur, voluisse Pindarum. Sed libenter ego surdis auri-
bus, vtolim Vlysses occinētium Sirenū voces, scommata illa prætermisero, dum studia adiumenti aliquid per me sensura sint; quibus si quid accedat à me etiam cum valetudinis offensa ac detrimento, nil muto, imò seriò id gaudeo ac triumpho, quòd non soli mihi natū me sciam. Scatuit hic liber pluribus quàm dicere velim mendis, quæ insigniora placuit secreto à
supe-

superioribus commētariolo adnotare, ne in affectatæ tyrannidis, quæ libidinis suæ arbitrio omnia permittit, opinionem cadam, leuiora & magis obuia dissimulaui, vt κάμους pro κόσμοις, ἐφθίμοις pro ἰφθίμοις, aliaq; id genus, quæ longum foret enumerasse. Mendorum ferme copiosam materiam inuehit supina incuria librariorum, quos plurimos alit Italia Græcæ linguæ imperitos, describēdis tantum libris mercenariam operam impendentes, qui lectori aut interpreti sæpenumero nihil aliud sunt, quàm cruces, dignissimi qui pascant in cruce coruos; nam negotium ingeniis exhibendo, ea obtenebrant plærunque & tanquam eluscant, quando ita in tenebris pugnandum sit. Tu amice lector voluntatem nostram, qua prodesse studui, boni consulito. Vale.

ANNOTATIONES ET

CASTIGATIONES IN

Hesychium.

1  *υτῶ καὶ σῖτον, καὶ οἶνον*, hoc postremum in Laertio addendum est inserendumque suo loco, quādo integram lectionem agnouerit & interpretes.

2 *ἀργυρομήτωρ*, scribendum *ἀργυρομήτωρ*.

- 3 - φιλονεικότατος εἶναι ἐλεγχξίνος . duplici mēdo liberandus est Laertij codex , in φιλονεικότατος , & ἀλεξίνος . non enim victoriæ studiosum fuisse indicare voluit, sed ob contentionis studium (quæ νεῖκος dicitur) cognomen accepisse ἐλεγχξίνου, hoc est hominis carpendi & reprehendendi morbo laborantis: veræ itaque & germanæ lectionis fontes aperuit Milesius.
- 4 - πειρίεπειρε πως . Laertij codex legit πειριεπείρετο . pro ἀλφειὼν verò scribe ἀλταῖων , id fluuij Elidis nomen est, vbi Alexinus ludum aperuerat.
- 5 - γαργάσθαι , Laertij liber ὑπογαργάσθαι.
- 6 - ἀνδῶν . non dubium est quin ἀναδῶν reponi debeat.
- 7 - ξενικὴν , in Laertio legis ἐρωπικὴν . Ego vtrūmq; codicem vitium habere suspicor , vnoq; cataplasmate sanari posse reor , si huic auctori ἐρωπικὴν adiiicias , Laertio ξενικὴν , hoc pacto reparata lectione, εἶναι συγγενικὴν, τὴν δὲ ἐρωπικὴν, τὴν δὲ ξενικὴν. tria enim amicitiae genera esse statuit Aristoteles , vnā quæ ex propinqua cognatione & consanguinitatis iure accedat, alteram quam amoris vis conciliet, & tertiam sanctissimo hospitij iure celebratā.
- 8 - ἐνέκεσεν , magis placet Laertiana scriptura προσκείνεν.
- 9 - ἀιπώτατος , plenius est apud Laertium αἰπολογώτατος.
- 10 - κυκλόφορηπικὴν, illic legas κυκλοφορεκὴν.
- 11 - ῥέριμς, vitiosè scriptum est pro ὁ ῥερμῆς.
- 12 - Leuiora sunt vitia ἀπεδείκνυ pro ἀπεδείκνυς, δεομένειν pro δεομένειν, & αὐτάρχοι, πρὶ οὗ αὐταρχῆ.
- 13 - περὶ πλείον, restituat πλείονος.

ἀστρογάλωτι, aduerbiali formula scriptum hic legas, ego puto rectiùs legendum ἀστρογάλωτι, subaudiendo *μασίγι*, vt alluserit ad Crateris comici dictum ex fabula cui ἐορταῖς nomen, sic scutica altragalis iunctis innodata dicebatur, vt ex Polluce testatur Eustathius, qua flagellari solebant in Matris deorum templis Galli eius dæ ministri, si quipiam deliquissent, vt ex Plutarcho aduersus Coloten adnotatum à me olim est in Animaduersorum libris: quo haud dubiè respexit Arcesilaus, cōhibendam esse & castigandam ad exemplum Gallorum Cybeles proteruiam insolentiùs se gerētis adolescentis, & quidem effæminati, innuere volēs. Quod verò proximè sequitur apophthegma, Laertij interpretes non intellexit, qui illud τὸν αἰτίαν ἔχοντα περιένειψ, conuertit ita, vitiosè concludens, quoniam περιένειψαι sit, quod Martialis præscindi dixit, nos cum Sallustio, muliebria pati.

15 : ἀποσερῆντος. hæc scriptura rectè habet, ex qua repurgandus est Laertij codex, qui malè legit, ἐκ ἀποσερῆντος, ἐκ ἀπὴντήσεν, pro ἀποσερῆντος ἐκ ἀπὴντήσεν.

16 : ἐτέρεσις, restitue ἐταίεσις, & pro ἀνδρωγακίας, ἀνεξιχακίας.

17 : περίσπιζα. versus ita emēdandus γλαῦκα περίσπιζαί. & pro ὃν ἕνακα ὄχλω ἀρεσκ' εἰς. lego ὃδον εἰς ἐν ὄχλω ἀρέσκεις, aut vna voce ὄχλοαρέσκεις.

18 : σεργῶν, reponε σεργηῶν.

19 : ὑπ' ἐμῷ ὄντι διζόμενον. vitiosa lectio & improba, quæ ex Laertio restituenda est ita, ὑπ' ἐμῷ διαγωνιζόμενον.

20 : ἔφησεν ἡ δ' αὖτις. lege ἔφυσεν ἡ Σκυθίς αἰα. & mox pro ὄντες, ὄντως legit Laertij codex : vtraque lectio constat.

21 *ἐνησυν*. scribendum est *ὀνηδὺν*. & paulo póst *θυή-
μασι* pro *θυηλήμασι*, & *ἔδαισε* pro *ἔδισε*, & *ἥλιτον* pro
ἄλιτον. Porro ex hoc auctore emēdari potest Laer-
tianus codex, qui legit *ἐυμαρῶς*, quum legi debeat
ἐυμαρῶς, & *θύρην* pro quo scribe *θύρην*, vt & *ἀπαντα*
μαῖλλον, pro *ἀμαῖλλον*.

22 *ὁ πηναπασθλέμεθ' ἀνδραξ*, siue vt apud Laertium
est, *ὅτ' ἦν ἀπας ὀλέμεθος ἀνδραξ*, quod interpretes ira ver-
tit, cūm lēbus erat carbo totus : quid autē sibi velit
hoc siue adagij siue scommatis, ad eos relegādum
puto, qui soli exorienti somnia sua narrare sunt so-
liti. Verūm totum hoc epigramma integritati suæ
restitutum in versione nostra oculis subiecimus,
secundum quam formulā Laertii codex repurgā-
dus quoque venit. Est autem Carmen istud à Ma-
rio Plotio vetusto grammatico, Comicum tetra-
metrum catalecticū nominatum, cuius exempla
hæc profert.

» *Δίκαιος ἔστιν ὁ φθόνος, τὸν γὰρ φθονῶντα δάκνει.*

» Indormis cunctis omnium cubilibus malignus.

at Marius Seruius Honoratus idem vocat Ari-
stophanium alterum, dicitque constare tetrame-
tro catalectico, addens hoc exemplū, quod in ex-
cuis codicib. desideratur, substituto altero notho,

» Portum petamus, aura cessat, vela solue malo.

Dedita verò opera in his prolixior fui, vt metri
legem reuocare in è duobus veteribus gram-
maticis, altero adhuc ignoto, altero mirè lacero. He-
phæstionis scholia adducunt istud,

Εἴ μοι γένοιτο παρθένη καλὴ τε καὶ τέλεινα.

23 *αὐτὴς ὁ μῶμος*. Hemistichij postrema pars est, cū
sequente pentametro: hoc adnotasse libuit, quod

nec qui Laertium Græcè excudit, nec qui Laertij iure donauit, id obseruasse videantur. In Iambicis verò græcis malè legebatur, *ξυνέηρσιν, & λύσαι, προ λύσαι.*

- 14 *λαμπητῶ*, dedita opera adieci à nitore formæ, tametsi sciam scorti speciosi fuisse nomen è Samio, quam amasiam habuisse Phalereum auctoritate Daylli refert Athenæus, eandemque & *χαετοβλέφαρον* aliàs ab ipso dictâ ob palpebrarum decorem.

- 15 *ἱξίων*. Hic locus plurimum lucis adfert Laertio, qui solummodo cognominis rationem adducit ab iniuriola Iunoni facta; *διὰ τὸ ἀδικῆσαι πρὸς κείν* περὶ τὴν *ἥραν*.

- 26 *ὑπὸ τῆς ἀδελφῆς δαμάσου*, ita noster habet Laertius, *ἀπὸ τῆς ἀδελφῆς*, vt Damasus fratris nomen fuerit, qui cum facultates ex hæreditate relictas partitus sit.

- 27 *δι' ὧν καὶ πειφερῶν*. lege *πινῶν καὶ*.

- 28 *ὅυ τὴν αὐτὴν οὐσίαν*, restitue *ἔσαν* participium.

- 29 *ἐξεδέξαντο*. Suidas & Laertius, *ἐξηγήσαντο*.

- 30 *ταραττομένη* turbatus, at Suidas legit *τυραντιομένη*, hoc est, subactus, & obsessus.

- 31 *κατεδιδυμαι*, à verbo *κατέζομαι*. Laertij interpres legisse videtur *κατέδομαι* vel *κατεδιδυμαι*, vertit enim consumor atque deficio.

- 32 *διὰ χυλῶν*. Athenæus Epicuri verba non semel citans, constante vbique in excusis libris scriptura, *διὰ χειλῶν* legit, vt sit, Voluptatès quæ per labra ministrantur, aut de quibus labra iudicant: Illud verò, *ἔχω πὶ νοῆσαι*, idem in Dipnosoph. septimo citat semel atque iterum, *ὅν δύναμαι νοῆσαι*, sen-

ἔτι, sententiam quam verba, uti teor, magis apprehendens.

- 33 ὥστε μοι. in Laertio legitur μὴ. Locus est insignioris mendæ mihi suspectus, quem ita legendum existimo, ut rei veritatem secutus converteri, ὥστε μὴν ἀλοιθρεῖσθαι ἢ μὴ ἀποκαλεῖν διδασκαλον, nam Epicurus; quo videretur à seipso doctus; Nausiphani (cuius discipulus fuerat) famæ derogabat, eumq; non agnoscebat præceptorem; magnam cum eo similitudinem gerens: Itaque in epistola quâdam ad Mitylenæos philosophos refert eum ita scripsisse
 „ Sextus Empiricus in hæc verba, Arbitror suspic-
 „ niosos illos opinaturos me Pulmonis discipulum,
 „ qui vnâ cum temulentis aliquot & crapulæ addi-
 „ ctis adolescentulis eum audierim. Pulmonem vo-
 cat Nausiphane, ut nullo præditi sensu: vel
 potius tumidum & gloriosum discipulorum numero.

- 34 πόρνον, hoc est, scortum masculum, non πόρνην lego. Istud codici Laertij typis excuso adiiciendum est, quandoquidē eius interpres ex vetusto exemplari legisse ita videatur.

- 35 φαρμακοπώλην, scribe φαρμακοπωλεῖν.

- 36 μιμητήν imitatorē & aliorum simiū sonat: Laertius habet κυλητήν, quod magis probarim, & turbatorē significat poti⁹, quā merobibū, uti vertit interpres.

- 37 λιρόκετον. Interpres viciniū ad primigenium nomen Lemocritum, siue λιμόκετον legit, ei⁹que lectioni faueo, ut sit composita vox à λίμη, quæ grammiam oculorum, lippitudinis parentem, sonat. Quis non nouit Lemas philosophis probri loco à Comicis obiectari solitas, tum ob lippos oculos è studio natos, tum ob cæcutientiam in rebus: eo-

que legi potest Erasmi adagium Saturniæ lema,
quo lepidissimè vsus est Gregorius Palama Thes-
salonicensis, apud quē anima cum corpore in ius
descendens, post enumerata quæ sibi accidāt ma-
la, αὐτὴ δ' ἐγώ, inquit, χρονικαῖς λήμαις ἐπισκοτῶμαι:
hoc est, Ipsa ego Saturniis lemis, (aut si mauis,
temporariis lemis) obtenebresco, nihilque acu-
tius exaudire queo. vt χρονικαὶ λήμαι sūt senectu-
tis vitia, quæ tempus & senium secum adfert.

38 σαινίδωρον, malim σαινίδωρον, vt interpretes legit, vt
sit σαινίδωρος, ὁ σάινωγ τα δῶρα, qui canum more ad-
uletur, & muneribus inhiet, potius quàm ὁ σά-
ινωγ τοῖς δώροις, qui donis hominum beneuolētiam
capter, quod in Lexicis legas. Diuersū sonat Laer-
tij lectio vulgata, σαννίδωρον, obsceniorē fortassis
sensu, παρὰ τὸ σαννίον δαρξείδης.

39 ἐξήλου malè, restitue ἐξήλου.

40 καὶ τὸ ἐπιλθόν, malim Laertij scripturā sequi, quæ
habet, τὸ μὴ ἐπιλθεῖν, quamuis priori lectioni asti-
pulari magis videatur Sambucus noster in Latino
Laertio, vt margini adiecta adnotatio ostendit.
Hæc autem particula rationem reddit, quantum
ego coniectura assequi possum, cur in scriptis suis
eadem iterauerit atq; identidem inculcarit Chry-
sippus, nimirum quod oblitus in tāto scriptorum
numero ea prodidisse, fugiente memoria, iterum
& sæpius materiam eandem tractauerit: Si quis
tamen alteram illam lectionem magis vrgeat, nō
repugno, at tum vertendum ita fuerit: eadem scri-
ptis prodiderit, & quicquid in mentē illi venerat.

41 ἦξαι. legas & αἰξαι apud Laertium scriptura nō
pœnitenda, qua etiam alio loco vtitur.

- 42 ὕστατος αὐτοσχεῶν καὶ κύντατος. in Laetio est ἐν οὐ-
σικῆς, & interpret loco κύντατος, restituit ὕστατος. il-
lud verò emenda apud Laert. ἀναγωγῶ pro ἀναγωγῶ.
- 43 ἑρῶτος, apud Diogenem variat lectio horū ver-
sum nonnihil, illic enim inuenias scriptum οἷσιν
pro ἑρῶτος, & in proximi versus initio δερμὴν vice
χελκῆν, nullo sententiæ detrimento, nisi quòd finis
eiusdem hic claudicat mutilus & corruptus, quē
ex Laetio ita persanes. ἐς τὸν ἐλον γὰρ ἐσθλὸν καὶ τὸν
ἄκρετον ἔπαυσεν, εἴτ' αἰδὼν ψύχρον ἐπεπλάσαστο.
- 44 ἄκρον ἰαβρον. Elegij istius gratia nullo verborum
Latinorum ornatu aptè exprimi potest, ob vocem
ἄκρον, quæ celebrem & summum notat, quæ sin-
gulis vocibus epitheti vicem præstat, & Acroni
medico, & Acraganti (sic enim eam urbem vocat
Virgilius poëta, quam cæteri Agrigentum) nomen
dedit.
- 45 ἐρεσθιήπειτα ὁ σοφός. passiuè vtendum existimò,
quod interpret agendi formula reddidit, vt sapiēs
amaret: quum ille qui in delitiis erat cataमितus,
(ita χαλὸν Lucianus & alij vocant) vice dieterii in
sapientiæ amatores illud distrinxerit, sibi nō vide-
ri, quod sapiēs in amoribus esset, propterea quod
austeritate vitæ & grauioris disciplinæ seueritate
ab amoribus auersus sit: cui scommati appositè
occurrit philosophus respondens, formosulis il-
lis nihil inueniri posse calamitosius, nisi sapientiā
professi in amore essent seu amarentur; eo quòd
docendo iuuetutem viam virtutis grati sint, amo-
remque sibi omnium concilient. Desideratur au-
tem extrema responsi pars in Laertij codice isthic
mutilo, tā Latino, quàm Græco; ἐῖ μὴ ἡμεῖς ἐρεσθι-

σόμεθα, quæ verba illuc adscribenda sunt ex hoc auctore, qui loci integritatem nobis seruauit. Porro huius loci occasio monet, vt alterum quoq; locum adscribam, vbi similiter infinitiuus accipitur: is est apud Laert. in Arcefilao, de Hemone Chio, qui deformis, sua tamen opinione pulcher, semper byssinum indutus amiculum, interrogauit Arcefilaum; ἢ οὐδὲν ἄλλοις ἀνθρώποις ἐξοικισμέναι: num illi sapiens in amoribus futurus videretur? respōdit, quid si non perinde præstante forma sit, vt tu, neque ita splendido vestitu vtatur? Quæ locum non modo non intellexit, verū etiā peruertit interpret.

46 ἄσμον. Laertij codex pro ἄσμων legit multitudinis numero ἄσμοις, hoc est, mundos.

47 ὑδάτων restituendum, vt & verti, puto αἰμάτων, ex Laertio pro ὑδάτων, id est, aquarum.

48 αἰδανήσομαι. admonet quidam legendum esse αἰδανήσομαι, apud Laertium, interpolata vetere lectione αἰδήσομαι, quam ego genuinam loci huius scripturam iudico, simulq; obiter apud illū emendanda est lectio hoc pacto, ἐὰν λοιδορούμεν, μὴ προσποιώμεαι, venusta enim phrasi dicunt Græci, μὴ προσποιεῖσθαι, quod nos dissimulare. Voluit autem innuere Zenon, philosophum haud ita debere affectionum vacuitatem & liberationem omnimodā amare, vt ab honesto discedat, vt immoto animo velut cautes quæpiā contumelias quasuis perferat, vbi nominis naufragium incurrat, utq; cum Themistocle nō perfundatur voluptate, si virtutē suam optimē prædicari audiret, præsertim si à laudato id viro fiat: nā qui ἀπ' αἰδέσθαι illā profiteri velit, tam ad virtutis suæ encomiū obsurdescat oportet, quam

quā ad cōiuitia patiētia & æquanimitate occalleat.

49 ἔξερῦσαι. Laertius eadem significatione dixit ἔξερῦσαι propriè magis, quomodo Aristophanis scholiastes ἔξεράπατε exponit ἐκκλανάτατε.

50 βολύτοις. Laertius βολύτοις, vtrunque rectè.

51 εἰδέναι ἀνω καὶ κάτω, reponere ὁδὸν loco εἰδέναι ex Laertio.

52 πάντα ἐπὶ τὴν ἀναθυμιάσιν ἀνέγων. Hæc verba considerantur in Laertiano codice, ac proinde illic adscribenda: hoc admonendum lectorem putavi, ut veluti in lucro deputer istam appendicem.

53 ὥρας αἰτίως. vitiosa scriptura pro ἐτείοις, hæc enim nativam loci lectionem res ipsa inculcat, pro quo verti ego, anni temporum vices.

54 In his epigrammatibus non possum tacito pede pertransire variam lectionem, quam inuenio passim, pro τίμῳ, malè legas in Laertio τίμῳ. & pro αἰδῶ, melius αὐδῶ, quam scripturam sequitur & Epigrammatū Græcorum editio. pro εἴλεε, Laertius habet εἴλειο. Epigrammatum liber εἴλει: sed εἴλειε, laudo.

55 φανεροῦ λαμπρότερον, versus legiconueniens scriptura ista, φανεροῦ λαμπρότερον ἢ εἴλειο, seipsam approbat, & assentitur Laertii codex.

56 νωθρέσατον, repono νωθρέσατον ἢ νωθὺς, alioqui νωθρότατον scribendum fuerat.

57 Hic αἶθε dictus fuit, quòd opiniones de diis omnes euertisset: Idem θεὸς audiuit, quasi Deus, ob stultam suam assensionem in Stilponis verba, qua de re legendus est Laertius in Aristippo.

58 ὑπεξαγαγεῖν. placet hæc lectio meliùs quā Laertiana, quæ habet μὴ ὑξαγαγεῖν.

59 ἐριμύτην, rectiùs ita scribi puto, quā quod apud

Laertium inuenias, ὠφελείην. Porro Cratetis nomini adieci de industria, Atheniensis, ut isto discrimine à Cratete Thebano dignosceretur.

60 ἑξωμοιώτην, emienda ἑξομοιούσῃν, quæ scriptura in Laertio seruata est, & mox ἐκοινωνείτην.

61 π δῆτα, perperam scribitur, reponere π δ' οἱμοι; versiculi sensum non rectè appendit nobis interpretes Laertij: exprimit enim animum afflicti fluctuantem, ac seipsum corrigentem recordatione conditionis humanæ ad miseras natæ.

62 σκίφης. Legendum arbitror, σίλφης, non κρίφης, ut ex hoc auctore citat Suidas, aut σκίφθης, sicuti in Laertiano codice est: cur autem ita scribendum augurer cōiectura, dicam, innuere enim voluisse Crantorē existimo, poëtastrii illius versus ætatem non laturos, sed blattarum (quæ ut vestimentis, ita & libris inimicæ sunt) dētibus breui cōficiendos: alios rectius aliquid & eruditius allaturos, vltro prouocò, ut doceant, gratiā etiam illis habiturus.

63 τὸ ἐκ τῆς ἡλέκτρας. lego constanter, τὸ τῆς ἡλέκτρας, quam melioris codicis scripturam expressit & interpretes Laertij, sunt enim Electræ verba ex Oreste Euripidis, ne quis existimet ea extare vel in Euripidis vel in Sophoclis Electra, quo nomine vterque poeta fabulam dictauit: ea ita leguntur in vulgatis editionibus, choro Argiuarum mulierum attributa, sed perperam.

σίγα σίγα, λεπὸν ἔχον. ἀρβύλης πδεῖτε. quum Electra loquatur & illas moneat, uti suspēso gradu & silentio accedant, neue strepitum ciant, ut ne malè sopito Orestis fratri somnus abrumpatur. Electræ autem verba esse, non chori, perspexit incertus auctor

tus auctor, qui in eam tragœdiam προλεγόμενα scripsit: hallucinatus est hac in re & Erasmus noster, qui ab interpretis fide discedens, locum istum ex Electra citat. Porro λακόν, ut iste habet, agnoscit etiā scholiastes Euripidis, ut si priori lectioni insistas, iubeat tacitè & leui pede accessum moliri fœminas: at si posteriorem sequaris, moneat ut tacitè candidos pedes promoueat.

64 φαίνεσθαι. Videtur legendum potiùs esse φέρεσθαι loco φαίνεσθαι ex Laertio.

65 περὶ τὴν οὐρανὴν. apud Laertium est, παρὰ τὴν οὐρανὴν, quod hîc est περὶ, & sententiam coniungit cū orbis terræ motu: Laertij codicis fidei subscribo.

66 διαδύεσθαι. potiorem iudico lectionem Laertii, διαλύεσθαι. Quæ verò sequuntur omnia, ut è Laertio transcripta sunt, mirum quàm mendosa in eo auctore legantur; adde & trunca, ut vel hoc solo nōmine multum Milesio debeamus, qui integrum magna religione locum & à vitio purum posteris nobis reliquerit. Studiosus quisque hinc suum codicem emaculare poterit, quem labor neutiquā illiberalis aut superuacuis iuuabit, multa enim non levis operæ inueniet corrigenda, ut μίαν pro ζημίαν, pro περί, πέριξ, πρὸ ἐπέκρουσιν, ἐπικράτησιν, aliæque à scripturæ & veri fide longissimè dissidentia.

67 ἀδελφίδεντα. lege ἀδελφιδέντα, hoc est, cōacta, nam alterum illud sonat despecta & contempta.

68 πηλῶδες. Laertium secutus πηλῶδες reponendum rectiùs iudico quàm πηλῶδες.

69 λόρον ἀνασθήσας. quid si λήρον reponas, cūm quod initium heroici versus ob pedis naturam λόρον respuat, tum quod Sillographus maledicentissimo

poëmate famosus, faciliùs λήρον cum iniuria, quàm cum laude λόγον attributurus philosopho fuerit. Coactus verò fui laciniosius hunc versum reddere, quòd nimia breuitate Timò obscurior sit: præterea βόμβας locum nominis obtinet, quæ tamen vox interiectio est; παραβολαὶ δ' ἴς, conuitiis inspergi solita, & irrisioni congrua: Eustathius aduerbiū facit illud, καὶ παικτικὸν, quo vsum alicubi Aristophanem scio. Itaque per illud, ἀφροσι βόμβας, innuit, vti reor, cum parui pendere vulgus hominū, iisque oppedere, ac medium, quod ille dixit, digitum ostendere.

70 ἐκκλητὴς. Vox mihi incognita neq; lecta, cuius loco restituendum arbitror, ἐκλυτὸς, nisi vitio codicis Laertiani hic epitomiasa deceptus fuerit, certe eadem sententia constabit.

71 αἷς δὲ εἰπὼν. locus & mendo deformatus & mutilus, qui hoc modo in integrum restituendus venit. αἷς οὐδ' ἐν, εἰπὼν, ἠνάγχλησεν αὐτὰ τὰ κρέα, ἡ δὲ περὶ τούτων ὑπόνοια.

72 συνεζομένους. Laertij interpres videtur legisse ἐκζομένους, vertit enim ita, cū certa esset amica contentio.

73 παχοῦντας. Si Athenæi præualebit fides & auctoritas, vt antiquioris, φοίνικας, hoc est, palmulas, legendum fuerit: cui enim non suboleat verisimilius fieri, has è Syria genitali loco ad Cæsare missas, quàm placentas, quas tam longinqui spatij & longæ moræ vitio corrumpi ac mucescere oportuerit, faciliè hac ratione gratiam amissuras: sed audiamus eius verba Latine ita sonantia: De palmulis vulgo Nicolais dictis, quæ è Syria adferuntur, hoc habeo quod dicā, illis nomen indidisse Augustum

stum Cæsare impense delectatū edulio isto, quod Nicolaus Damascenus ipsius familiaris, peripateticus philosophus, assidue ad eū misistabat. Confirmat item Plutarchus conuiualiu octaua decade, in hanc sententiam scribens: Augustus (inquit) qui ingēti amore prosecutus fuit Nicolau Peripateticū philosophū, ingenio suauī hominē, corpore ob proceritatē imbecillo, facie purpureo rubore perfusa, palmulas maximas & speciosissimas Nicolaos nominauit, & huc vsq; nomen retinet: *ποσειδο-
βαλέων τὰς μεσίτας ἢ καλλίστας Νικολάους ὀνόμασεν*. Astipulatūr tamen huic nostro transcriptor Suidas, exponens placentas, *μελιπῆτας*, id est, mellitas, aut melle imbutas placentas vel offas. Et apud Theophrastū lego *μελιπῆτας βίβλινους*; hoc est, trimestres offas. Nemini præiudicatum volo, credat quod velit quisque.

74 *κατὰ ῥαψωδίαν*. Dilucidè magis quàm ad verbū ista à me versafacio, vt auctoris sententia eluceret, quàm transcriptam à Suida, eius interpres non intellexit, cuius ad marginem libri annotatio ista legitur: Fortassis quicquid quoque libro prætermini sit Homerus, id hi eodem ordine & numero librorum sunt executi.

75 *τὸ μετόικιον*. Non possum non hoc loco versionis meæ rationem reddere, præsertim quum videam toto cælo eam dissidere à Laertiani interpretis conuersione, quæ ita habet, vt eo modo in exilio positus frangeretur, & paulò post. Atheniensibus verò imposito illi virg ab vrbe exilio satisfecit. Itaque sciendum est *μετόικιον* fuisse tributum Atheniensibus peculiare, quod annum in-
quilini

quilini pendebr̃t, nimirum viri duodecim drachmas, fœminæ eius summæ dimidium, vt Isæus orator ostendit: at libertini generis præter duodecim drachmas, triobolum insuper addebāt, vt indicat Menander, fortassis publicano debitum: cæterum inquilini qui non soluerant, aut soluendo non erant, capti vñnum ibāt, vti aduersus Aristogitonem Demosthenes ait: Plura Harpocratiō. Suidas verò pro ἀπονοῦντα citat ἀποτοκῖντα.

76 ἡ δὲ διὰ τῆς ὀφθαλμῶν, ita manuscriptus habet per ἡ distinctiuè, ego reposui ἡ relatiuum.

77 ἀνακεκλιμένα, lego ἀνακεκλιμένθ. Porro in versibus sequentibus Timonis perperam scriptū est πλαίστακος pro πλατύσατος.

78 ἐπίχαριος. Laertius habet ὁ Ἀλκιμθ, & quidem rectè, nam Alcimus ad Amyntam quattuor libros scripsit, Platonémq; Epicharmi scriptis adiutum ostendit.

79 τὸ δὲ πρᾶγμα εἶμιν. Ex hoc loco emendari potest Laertius, & eius versio, τὸ δὲ πρᾶγμα εἶμιν καὶ αὐτὸ, ibique interstinguendum puto, nam εἶμιν est Doricum pro εἶναι, non autem εἰ μὲν, quod est, Si quidem, vti ille peruertit.

80 τὰς μορίας, scribendum est per ὁ simplex, μορίας, vt sint oliuæ, de quibus etiam Comicus falsè ludit, εἰς ἀκαδημίαν καπιὼν ὑπὸ ταῖς μορίαις καταθρέξεις, id est, quum in Academiam descendens sub oleis decurres.

81 συζηνοῦς. In his versibus legendum συζηνωῶς aduerbium, pro συζηεῖς, & κρόμμευον, non κόμμευον.

82 οὐ σὺ τυγχάνειν repono ἡ relatiuum, & mox ante πλατῶνθ adieci articulum τῷ, vt suis numeris non clau-

non claudicaret versus.

83 σκληράτοις, τιμαίου, inferenda huc ex Laertio hæc nomina, τῷ ἀθηναίου ξένου, τῷ ἐλιάτῃ ξένε, desiderantur enim.

84 χαταληψ. lege ex Laertio ἀχαταληψίας.

85 μαιεύση. scribo μαιευούση, quod diuulsum μαιέουση extulit Laertius.

86 αὐρυν. Vitiosa scriptura, quum ἀγορὰν legi debeat.

87 οὐκ ἐν γυναίῳ. Compressius idem atq; tenebrosius narrat, quod Aristocles ex Antigono Carystio dilucidius atque explanatius refert in hanc sententiam. Philistæ Pyrrhonis sorori rem diuinam facturæ, amicus pollicitus fuerat se suppeditaturum sacrificio sumptus, neque præstiterat: quare Pyrrhon ob id iratior necessaria omnia comparauit. Itaque reprehendit eum ex amicis vnus velut non facientem dictis suis consentanea, & affectuū vacuitate, quam profitebatur, indigna: cui respondit ille, ἐν γὰρ γυναικὶ δὲ δὴ τὴν ἐπίδειξιν αὐτῆς ποιῆσθαι, quasi indignior sit mulier, quàm vt specimē apathiae in ea edendum sit.

88 διασβηθέντ, malè, pro διασβηθεὶς, vt mihi videtur. Idem Aristocles refert hoc illi accidisse, quum sibi à cane persequente metuens, in arborem conscendit, eo vsus perfugio.

89 καινῷ. Gratia dicti est in καινῷ, quod vnica voce nouum significat, & καὶ νοῦ diuisis vocibus, quibus significatur, & mente: quem leporem Latina lingua assequi non valet.

90 διώκοντες. Legendum cenſeo ſuffragante Laertij codice, διώκοντ, quod & ſenſus requirit: nam dixit

dixit Stilponem quæstoris more lites agitare, itaque comites eius & discipulos, præter rescriptum quæstoris seu accusatoris virtutem terere: alludens ad flagitiosæ actionis notam genti philosophorum inustam.

91 καὶ ὅλης. legitur & καὶ ὅλην τὴν πόλιν.

92 διὰ τὴν. Suidas huius loci, vt ferè aliorum, transcriptor, addit διὰ τὸν φόβον καὶ τὴν, &c.

FINIS.



APPROBATIO.

Nihil habet S. Romana Ecclesiæ fidei contrarium, aut Reipubl. offensivum: quod auctor

Sebastianus Baer Delphius,
in signis collegiatae Ecclesiæ S.
Mariæ Hantuerpiensis Plebanus & Canonicus.